

瑜伽師地論記

卷十一

八

藏經閣



上闕五行

一十第卷記論地師伽瑜

雖說法身義未明者今此明之以  
等自辨攝自也又可所詮決擇之智簡  
擇諸地不同然簡擇義齊更相收攝即是以以義攝義此一合教  
能詮決擇後所詮為名故名攝亦可似俱舍論名對法藏由彼  
對法論中勝義入此攝故此得藏名或此依彼從彼引出是彼  
所藏此既二義此亦如是由前本地分中勝義攝入此今決擇  
明之或此依彼從本地引生即彼所含之義此分所擇故名攝  
決擇分亦是以文攝故名攝也此明攝義言決擇分者決謂決  
斷謂決他疑亦可決謂決了能自了解擇謂簡擇簡擇是非今  
此明是破非故言決擇邪見撥无真俗雖決非簡擇是非疑雖  
簡擇是非而非決斷言決以簡是惑言擇以別邪見前本地分



直述義相今重問各決疑簡要故名決擇舊名決定藏者非也  
彼言足也摩可言決定藏既云毗尼失折耶此言決擇何須稱  
為決定藏言今者今齊也本例軀今也本地之後攝釋之前一  
今齊也言中者簡持義十七地中簡餘十五地持明此二地穀  
是中也言五識身相應地意地者如本地今已釋問何故不言  
意識者以名鑑故此明心意識故不置識問相應之義不唯局  
五何以首標不言意有答曰據實皆有略而不說又云  
故意地不言相應也又據勝法  
舉相應不言相應意中  
相應

中關二行

二依本地分中



所以別開為二地今此分

論疏上二

直

依既是通依不可別開二地明之所以合說從第八說故合一明又  
唯約作業作業既別須開別明俱依根緣塵行相狀同所以合說又  
如顯揚第六去問阿賴耶識何識所攝答六識攝前約種子分別今  
約六識所攝所以合明此地次擇合有七卷此為最初故言之一  
論如是已說至善能問答 記曰就此分中有三十卷次擇前十七  
地義分為十二段合五識身地意地為一有尋等三地為一聲聞獨  
覺地為一合有餘依無餘依地為一故謂初七卷合次五識身地意  
地次四卷合次有尋等三地次一卷半次三摩呬多地次第六十三  
中一紙餘次非三摩呬多地次二紙餘次有心地次二紙半次無心  
地次第六十四一卷次聞惠地次二卷次思惠地次第六十七中三



紙許決脩惠地從六十七卷下四卷半合決聲聞地及獨覺地名中  
唯決聲聞不決獨覺地從第七十二卷下至第八十半合八卷半史  
菩薩地次第八十中後半卷合史有餘依無餘依地本史相對應為  
四句一初合後離謂有心無心地二初離後合謂五識身意地并聲  
聞獨覺地及有餘無餘依地三初後俱合謂有尋等三地四初後俱  
離謂餘六地則三摩呬多地非三摩呬多地聞思脩所成地菩薩地  
就第一段中初結前生後捨并勝利後依地正并初文雖捨少故寄  
在五識意地首明之 論今當先說五至去何應知 記曰就正并  
中有三初簡擇別明二地次問答正并後結其略史問答正并中初  
別決擇後捨分別前中有二一從初至盡第三卷強半已來略明六  
種善巧第二從第三卷強半已後廣明六種善巧前中十門一心意  
識門二并識身遍知三并二善巧差別四證成道理決擇因緣五明



不相應行義六明其種子七解業門八明二無心定九明虛空非擇  
滅十捨弁不相應名義就第一門中有三第一決擇心意識義第二  
約成就四句第三問答弁前中復三初牒前已明而興三問次依問  
正答後結問中復三初牒前本識為所決擇二開三問端為問由致  
三正設三問令興決擇問前說種子依謂阿賴耶識者此則初也謂  
前本地分中已明第八是諸種子依種子皆依有故而未說有有之  
因緣廣分別義者此則第二開三問端為問由致而未說有者謂前  
本地雖大說有第八然小乘經而未說有一問也問曰如攝論引小

論師士 三

直

乘經中云愛樂喜習着阿賴耶所會經中亦如是說此則言小乘經  
已有何故言未有耶基師述二義此為無者說薩婆多等又然彼經  
雖說有解則第六無別所詮及餘別義謂因緣廣分別等今言未有



者無別辨有非名有也有之因緣者有此第八之所以也雖言說有未知有之所以既知所以有故第八存之其與現數執受等俱轉廣分別義則為第三問何故不說已下第三正設三問今與皮擇也何故不說者但問小異所以餘文可知景師補開云前本地分弁五識意地中皆言云何自性等五門五識所依有四一生依謂種子識二染汚依謂末那識三俱有依謂五根四次第滅意根謂彼六識展轉相生今問答弁種子生依則是分別心義以賴耶是心末那是意六識是識據理此中但分別心而下結中則結心意識三也 論答由此建立至是故不說 記曰下第二卷卷中隨問則為三卷此則答初問也謂賴耶微細地前菩薩隨教生解未能了達故於二乘不為分別故云密記所以不說 論如世尊言至執為我 記曰下引解深密頌正弁不說初之一句從彰深細第二第四句正明不說所以第



三句正明不說問曰何以第四第二句明不說所以有二義故不說  
一以深細故不說則第二句正明深細之義二恐起煩惱故不為說  
之則第四句言阿陀那識甚深細者景師云地前菩薩未了名甚深  
二乘不達名甚細基師解云舊言第七及八皆名阿陀那者非也則  
舊論頌曰執持識深細既云執持第七豈能持也梵音云訖利瑟吒  
末那此云染污意今云阿陀那者則第八執持之義也問曰舊論執  
持識深細今何異耶述曰執持之言其義便正然簡有異義不同簡  
所以者何先言深細者但簡凡夫未簡二乘故其凡夫籍義皆愈淺  
此言深細但簡凡夫其二乘教義皆深細此應與等故今以其簡別  
二乘二乘經教深細非甚故此簡具足故須異也故下言見諦聖者  
方能了知餘未能知見道之前第六識作唯識觀未見第八入見方  
知故言甚深細也測師云以三義釋阿陀那名一以執持名執謂能執



持名相等種令不失故二以執受名執謂能執受色根依處令生覺受故三以執取名執謂能執取結生相續無姓有情不能窮底故說甚深趣寂種姓不能通達故名甚細此如唯識說若依世親深細合

倫第十一 四

直

釋故彼論云甚深細者難了知故而不配姓若依無性言甚深者世聰敏者所有覺惠難窮底故言甚細者謂聲聞等難了知故今尋舊譯與今文相異也若輕意菩薩意業論云世尊於深密大乘經中說阿陀那心識深細不可量無量諸種子其數如兩滴我於九夫人不為說此法非是愛恠故畏更分別我一切種子如暴流者此一句舉第八識深細之義而不為說則第一深細不說所以景師云楞伽云阿賴耶識是如來藏者據賴耶識有煩惱種故能藏彼如來法身名如來藏又賴耶中有彼如來無漏種子能藏多果名如來藏又云八



九種種識者。捨就識說。舍藏多果名。如來藏又云。八九種種識者。捨就諸識。識別有九品。不欲論識。有八九種。基師解云。水未風擊。名曰平流。若遇風鼓。方成浪起。此識亦尔。能熏之風未鼓。但只念念平流。若能熏之風鼓。時成種。遂如波浪。或種生現。由如波浪。一浪因至一浪生多浪。因至多浪起也。問曰。先翻種子如恒流。今何異也。迷曰。雖言種子未來。是何言。恐有為。今言一切義。乃舍。包又恒流之言。此是何義。若如恒水之流。則乃非也。如恒常而流。豈是約因熏義。今言熏流。義在於此。我於凡愚不開演者。此一句第三正明。不說景師云。曾於增一阿含。亦捨為說。名喜樂愛習着等。恐增分別人。法二執而不為。彼子細開演。問佛不為二乘說。賴耶識二乘不起。我見既亦不為異生說。賴耶識異生應無分別。我見各異生。雖無依佛言。教生分別。我而有依彼外道邪教。生分別。我基師解云。小乘有名無有。棄義此。



我於愚不演也唯聞名故諸在凡夫名亦未聞則我於凡不開也若  
小乘名已有但不為演若名亦未有亦不為聞也問曰二乘凡夫既  
不為聞演何故今說令凡夫聞答此中皆有二人聲聞之中有二人  
一根不熟二根未熟初決定姓不定姓故不為聞演若不定姓根熟  
何不為演之凡夫亦尔一根不熟無種姓人二根未熟故不為說今  
約聞者皆根已熟故得聞之今言於凡愚不開演者義在於此問曰  
先云於凡我不說此何異也述曰則言非也唯簡凡夫不簡二乘故  
今言意尔恐彼分別執為我者則第四句釋第二恐起煩惱不說所  
以凡夫二執未斷二我之執恐生二乘人我雖除法我猶在恐其起  
此我有二種一分別二俱生俱生之我任運而生分別之我因教方  
起恐凡夫因教分別二我得生二乘因師分別法我得起故不為說



問曰先言彼勿執為我此云何異述曰此言揔未簡任運之我其義可知問第八相續似一常恐起人見凡不聞本識有躰相是實處起法執大不說述曰說彼第八雖生法執若除法執要由唯識第八既是諸法如實因緣此乃唯識之本故為大根得說本識云其此識義者佛說法要以利物為本若說此法始則不隨生死終則能得涅槃者佛則為說然此識凡夫聞之生分別二我若二乘聞生法執故及不能作唯識觀故始則有損終則無益問唯識非小境不為說第八末那二乘觀道除應為二乘說述曰末那惑障於人觀二乘觀道除人執識細二乘非種智所以不為說第七則如見道雖斷三惡趣果第八細故不為說末那識細故彼非一切種智亦不為說問曰小乘觀道緣末那不答者無分別智觀斷惑時自然觀起觀末那理後得智觀非一切種智故於事差別智亦不得說緣論復次喟於南



曰至無皆不應理 記曰下卷第二問於中文二初頌及長行標起  
八相後次第解釋則為八段泰師云於八相中第二第三因外難成  
非正證也脩師云初一相正弁賴耶證有本識後七相非正弁賴耶  
識由緣中說證今釋八相文大義取基抄 論何故若無至不應道  
理 記曰就初段中初問次解後結解中五因不同則為五段其初  
因意者諸小乘等中不立本識如經部師以六識持身今意非此以  
識從先業生者能執持身從現在緣生者不能執持此約長望不約  
六識於一刹那或起異熟心破之此中應立量云眼等轉識非能執  
受宗現緣發故因如聲等起喻又若有執救之云我眼識等中亦有  
異熟心從先業生能執持汝何故言眼等轉識非能執持而掩遮我  
今應破之如下第三因比量若尔下第三因應不更破此已彼救已  
為破故後既有破明知此中但約長望相續道理破之如前解釋此



第一因也因言所以則宗因等之因也從此為名故言五因前總破六識訖下因別疏條破且疏善不善性心破故第二因又六識身善不善等性可得是第二因者既欲破之且遮別法有非執受方為同喻而能遮得善不善等設有計云涅槃能持有漏依止今量云二種涅槃定非執受宗是無為故因猶如虛空喻此義既成轉破道諦設

倫疏士

六

直

有別計道諦能持應立量云無漏善心不能執受有漏諸報宗此言為簡順彼世間大圓鏡智能執持身若但摠言無漏善心不能執受即有不定過為如涅槃是無漏故無漏善心不能執受為如大圓鏡智是無漏故而能執受遮斯過故作是言是無漏故因猶如涅槃喻此義既成應須轉破有漏善心應立量云有漏善心應不執受有漏諸報宗以是善故因如無漏善喻善既被破不善須除別立量云



諸不善心應非執受宗有記性故因如彼善品喻雖破記性無記之  
中有四無記且除異熟在第三因變化等三今應別破量云三無記  
心應非執受宗以間斷故因猶如聲電喻或因喻云非異熟性故如  
善惡心此因亦善前因有異熟生心為不定過今論雖云善不善性  
不言無記既有等字明別有破雖復疏條其六識中無記報心此中  
有計以為執持應破彼計故第三因則遮此計論云又六識身無覆  
無記異熟所攝類不可得是第三因者言六識中雖有異熟但一念  
生或諸心間前後一類異熟之性必不可得前後一類異熟之性無  
有變易可能執持是真異熟今六識中異熟之心但一念生非無有  
間既非一類是異熟生不得稱言而能執受應立量云六種轉識非  
真異熟性宗有間斷故因譬如風聲喻此量未明應更別立云六種  
轉識無覆無記異熟一類既不可得不能執持身宗有間斷故因喻



等同前或應立量云六轉識中異熟之心不能執受宗有間斷故因  
如風聲等喻其論異熟類不可得者則是此中有間斷之因言也則  
彼返難六識中異熟心是異熟生非真異熟不能執持者汝宗何故  
言不苦不樂受從異熟生既異熟生應非執受述曰異熟生有二種  
一從異熟種子生二從異熟相續生前六識中者是異熟種子生名  
假異熟如眼根非真異熟其第八識是異熟相續生前念後念皆異  
熟故今前念後念皆是異熟者能執持非六種識故有異也則以此  
文一師云欲界有前六識異熟心一師云此乃遮計又彼外計汝宗  
第七識應得執持身何勞第八者應立量云我第七識不能執持身  
宗非異熟性故因如六種轉識等喻又彼外計非一種識能執一切  
根一一自識能持自根今應破之故第四因云又六識身各別依轉  
乃至是第四因此中有二初依計正破二縱計逐難謂如眼識起時



餘耳等無識之根應便瀾壞宗無能持識故因以小乘宗諸識不並  
生故猶如死屍喻設許執受亦不應理若此縱計逐難謂彼外計眼  
識起時非但唯持眼根亦能持餘耳等之根今設縱之故云設許執  
受亦不應理識遠離故今立量云眼識必不能持耳等諸根宗識遠  
離故因如他人識不能持自根等如死屍等亦得又有意合立量云  
意識諸根應無執受宗識遠離故因猶如死屍喻既難無執受已應  
成非情攝立量云無識諸根應非情攝宗無執受故因猶如死屍喻  
如前所計自識持自根設尔應成數執過故第五因云又所依止應  
成數數執受過失等此中量云既有執受不執受時不執受時應非  
情攝無執受故如死屍等由上五因六識執持既非道理故許第八  
能執持身結文可解 論何故至識不俱轉 記曰第二相中初問



次正釋此非正建立但因外難便破小執建立自宗就問中若准前  
後解此文稍相違所以者何且如前文若有第八執受依上可得若  
無第八依止執受不可得今若准解應言若有第八寂初生起可得  
若無第八寂初生起不可得者是言便失但恐應言小乘無第八諸  
識不並生大乘謂云根境緣具五識皆然何緣一識寂初生起有第  
八識則許諸識並生故有第八無寂初起是應道理汝既無於第八  
有寂初生此不應理今小乘問云何故若無第八寂初生起不應正  
理可直接文不可准前及後而興准解此為問訖就正解中有二初  
假設外難二依難正解以小乘中諸識別生其文易了其答中有三  
初答次徵所以文相可知第三正釋云容有二識俱時轉者謂大  
乘中諸識亦有別時生故餘文易了此中應立量云三緣具足眼識  
起時餘三緣具諸耳等識亦應現起宗三緣具故因如現起眼識喻



如前所難恐識並生不許第八是有今成諸識並生已應許有第八  
此返釋成 論何故若無至無明了性 記曰第三相中初問等如  
前判文此因亦非正立第八之因為解釋前難時外便返問因為通  
難近立本識謂外小計識不並生意緣色時在眼識後今破此識緣  
過去色境應不明了應立量云眼識等後散心意識緣次過去眼等  
所取境色應不明了也宗此言簡彼定心及獨頭意今遠緣者今偏破  
過去近意識簡遠意識因云不定位攝緣過去故此言又簡定心如

倫卷二 八

直

散心中緣過去等百千劫事此亦是簡定心泰師云薩婆多等意識  
緣次五識境界現量所收是明了識以緣近故有師彈云既緣過去  
應非現量問獨頭意識為但緣過亦緣現耶三截兩解一云或緣現  
在而不明了以無五識故二云唯緣過去 論何故若無至應正道



理 記曰第四相中意謂經部師等計六轉識能持於種今以諸心  
別異云何持種應立量云六種轉識不能持種宗因云展轉異故猶  
如鼓等所發音聲又云六種轉識應不持種三性間故如身語業奉  
師云劣中妙界者謂欲色無色以下善名劣中善名中上善名妙漏  
無漏世出世何別無漏則通二智後智名世間本智出世別狀如是  
論又彼諸識至不應道理 記曰又汝若執六識持種如入無心定  
時其六轉識長時間斷既無能持之識不應所持之種而得相續長  
時流轉不生滅也應立量云入無心定種子應失宗無識持故因如  
入無餘般涅槃界又應云入滅定時六識長時間斷此即無識持種  
則種已失不應而有出定相續而後更得長時流轉用何種生又此  
以何為識持身破雖破無持種子識門兼此破入滅定時六識間斷  
不應其身而得長時流轉得經多時無識持故便應爛壞相續謂身



也若尔與下第七破何異既尔取第一第二好論何故若無至不應道理記曰第五相者此亦非正立第八而破於他亦因他難解難之由遂成第八第五相中四種業用一了別器業謂外器世界二了別依業則內五根扶根五塵及內種子等此二第八識之業故勝緣經云自身資生具一時頓分別此第一業第八唯變故緣從種生故名為唯變是彼境故名為彼緣其內依業具有二業一變故緣二執故緣變故緣義如上可知執故緣者名衆生數三了別我業則未那當計第八以為我也四了別境業則餘六識各了自境此中意者謂第四境業一識起時刹那刹那四業俱轉非一切時無心悶絕等及入無心定而能具四唯具前三故如經所說若一境業起時必刹那刹那四業可得若無第八諸識不得並生而此四業不可一識一時頓有豈不違經及於道理小乘若信大教及一刹那中有此四業



可如此難他宗既不信經及不許有四業一刹那中而現可得何得如此而起難耶述曰然以道理逐之必許有此四業及信大教而得

倫卷十一

直

成立以理逐者且立唯識比量云色等諸法皆不離識宗是所識故因猶如於識喻既色等諸法不離於識從識而現無識之時此境應無且如入無心定或唯緣涅槃等境爾時色等既無能緣之識眼等諸根及外器等須應斷絕重立量云入無心定等位時眼等諸根及外器等便應斷絕宗以無識故因如所滅識喻又緣涅槃等境時諸眼根等必應斷絕宗自能緣識現無有故因猶如未生緣眼等識此則成立初二種業是有次成第三業二乘唯云有了我之業不言一切時恒起了我今應立量云異生所起善等心時必有我見宗此是有簡可須思之是異生故因如起餘位我見之時喻此三種業義已



成於一切時必須恒有若境業起時必須有四不然唯前三了別境業二乘共許前三業義已成故於一切時四業可得於前三業終立量云異生身中無淨心等現在前時必有前三種業宗異生位故因如二共所許三種了別現在前時喻以此義故四業可知以理逐立前唯識量又有三截所立云真故極成色不離於眼識宗自許初三攝眼所不攝故因猶如眼識喻新羅曉法師決定相違云真故極成色定離眼識自許初三攝眼識不攝故猶如眼根智者留意應更教立上來雖復理破違教如何如攝論中廣立大乘真是佛語信佛語已有違教過非未信前而有此過 論何故若無至不離身故記曰第六相中謂如理思乃至定有阿賴耶識者此中正論第八是有謂如入定時五識不行忽聞聲觸則起領受如舍利弗聞哮吼聲既無耳識起受領聲則第八識而起領受若無第八此義何成若小



乘中不許定中境至起受應立量云入定位中境觸身時應起領受以有意識位境觸身故如散心位若不許時返破餘位云散心位中境觸身時應不起受宗境觸身故因如入定位喻三藏云身受則輕安觸身起受也言如理思不如理思等者此中意謂六位之時境非一種領受非一心不並生必緣此中隨一種境或有塵至識不並生若無第八起何領受若有第八第八領受雖入定等無餘五識覺受仍生測師云思量安立非安立諦名如理思外道邪思惟等名不如理除剛分別餘任運心及無心悶絕等時名無思慮簡擇心名隨尋伺則以定散相對故名在定不在定景師補闕云如理不如理思者此在散心或正思惟或邪思惟時或無思慮者此通定散如無心睡眠無心悶絕生無想天此在散位而無思慮若入二無心定此在定



位無有思慮或隨尋伺者此通定散如是在於定散無思慮位若有  
外緣觸身以無六識思慮心故但有賴耶捨受於中領納名為身受  
若住散心有思慮位由有賴耶執持五根及五識相應身受種子若  
遇外緣身受得生言或處定心者處有心定五識不行若有外緣觸  
身賴耶捨受於中領納名為身受又由賴耶執持在定五根及五識  
相應身受種子若有外緣觸身五識身受依根而起若無賴耶如前  
所說衆多身受生起不成 論何故若無至不離身故 記曰第七  
相中處無心定不應道理乃至識不離身故者就十八部論有二類  
其於經部薩婆多等但立一種意識滅定中無餘十七部立二種意  
識今此論主正破無者此有二義一違比量二違聖教應立量云入  
無心定應如捨命 宗識離身故 因猶如死死喻又違聖教如文可知  
薩婆多教云識不離身者識得不離故名識不離身者亦應識得不



離身故不名滅心定應立量云汝立滅心定應非滅定宗識得不離  
故因如有心定喻又汝無心定必定有心宗有識得故因如有心定  
喻此非薩婆多正救彼正救云入定雖無識後出定時其識必生故  
言識不離身應立量破云汝立滅心定必定有心宗言識不離故因如  
有心定彼作決定相違言滅心定等決定無心宗以寂靜故因猶如  
涅槃喻今應與作有法自相相違過故令彼不成汝立滅心定應非  
是定以寂靜故猶如涅槃若言命根等在名不滿壞應破命根云先  
破四相四相定非實有非二量知故如兔角等以此為喻破彼命根  
上來破薩婆多等訖若立有心者應破量云第六意識無想定等諸  
位中應無宗在此位中於六識內隨一攝故因如五識等喻又若有  
識決定有觸若許有觸必有受想如何乃言此定有識此量既成小  
執破訖違經違理故成第八又如無色界應有滅定等量思之論



何故若無至不應道理 記曰第八相中謂臨終時乃至不應道理者如第一卷從上捨從下捨留至心處方後捨也言非彼意識有時不轉者若第八識通執身分捨上分時下分未捨有轉有不轉義又若第六識義不必然緣餘境故非有處不起故非能執持又若第八

倫卷十一

十一

直

緣境微細於臨終時緣境不可知若第六識緣境行處若第六能捨命行相應處非彼意識有時不轉應立量云命終時識緣境應知第六識故猶如餘位應更捨非第六意識而能捨命量云第六意識非捨壽心轉識攝故猶如五識故知第八義得成立勘彼攝論第三云尔時意識無處無有者意識不能執持身故於身上下無處得明無有意識冷觸生等阿賴耶有處無有者阿賴耶識執持身故有處得明無有阿賴耶冷觸生等以依住處變似方處相顯現者以賴耶依



自身處住變似冷觸方處相顯現故 論復次喁至彼還滅故 記  
曰上來答第二有之因緣竟自下答第三廣分別義於中有二初頌  
及長行開列五相二次第解釋前中初頌列五相二長行屬當上三  
句列其四相揔是賴耶流轉下一句揔是第二賴耶還滅長行屬當  
中初略開為二次別列五相第五建立雜染者則當若有諸道有還  
滅者則是建立及有得涅槃頌也 論云何建立至應知亦尔 記  
曰次第解釋中先解所緣轉相初問次解後牒結之解中有五初由  
二種所緣轉相言謂能了別遍計所執自性妄執習氣者基云於此  
問答廣釋謂六七二識皆起執故所熏成種可言妄執習氣其五識  
等自熏之種雖非妄執習氣亦第八緣此中何故不說第八緣耶依  
上下文一切有漏法皆有麤重所隨五識等種子雖非妄執習氣麤  
重所隨故但名習氣是第八緣此中通舍為語則遍計執習氣真是



六七二識習氣者是餘五識及第八識非妄執習氣諸現行並為塵  
重所隨應並名習氣若尔第八緣習氣之言其義攝一切法何須開  
二境述曰習氣通二種所謂現行及種子此中約種子名習氣不約  
現行故開二別如何得知現行亦名習氣者如阿羅漢齊足越坑名  
為習氣此乃現行故知通二種也又解此中言遍計習氣者三性有  
漏法所有種子皆名遍計所執以三性心等皆為相縛所縛名為遍  
計非謂遍計皆是二執所熏成之種若尔此中云何遍計所執之言  
三性心等不起所執故義曰此中通論文中義含則遍計自性習氣  
遍計所執妄執自性習氣前通善不善種後唯二執心種又解三藏  
六西方二釋一云三性心皆有法執雖善心起時即此文為證故名  
遍計所執習氣第二解一切有漏善等心種皆名遍計所執習氣此



非三性中遍計以有漏心等必為漏所縛故其善等性亦名遍計所  
執問曰無漏之種非妄執習氣第八緣不有義緣略故此中不說又  
此義非也謂心弱境強故不得緣如攝論聞熏習非賴耶所緣仍依  
於本識以強勝故若尔云何名唯識若得無漏見分此義亦成未起  
無漏時此應不名唯識如攝論依彼第八以念念俱隨滅故亦名唯  
識以第八緣境為相縛所縛諸第八境皆是親變若緣無漏則非相  
縛故不緣也此中依護自菩薩釋其見分等三分中其種子為自證  
分緣種子則見分緣故由此理故相應五數不緣種子由此理故生  
無色界第八見分則無所緣故彼言第八見分緣欲色界器世界等  
以是共業故雖生無色而得下緣問曰何故種子不在自證分等唯  
在見分即義曰以相現及第四分於自證分上差別建立今以種子  
是所緣故故於見分上立以自證分為能緣故不於上建立又依集



量唯立三分故不在第四設立四分者以不離自證分故但是第三  
分差別立若在無色亦緣下界器者何故此下去若在無色唯有習  
氣執受了別通曰此約自證分為論不約見分若約見分則通緣器  
界也故簡無色不緣但在內根等文中不在外器等文中故知外器  
亦得緣也若依護法則以此文為正在無色界不緣下界器繫業別  
故其種子則見分中分為相分見分緣之五數託此以為本質而於  
上變影像相也此非實用故不能生眼等實根若准護月義其無色  
第八識與下界識等以緣境等故若尔則有業無塵細妨其義者何  
夫見分等及外器相必此業感此業何時造等意緣變他身五根不  
有人云西方有諍者非也但只一釋亦變為境門攝非內根門攝故  
此中縱言緣器不別疏條若以第八緣種子種子何故能生識緣他  
身根此根何故不能生他識答曰以影像故種子親變故不為例問



如五根本識相分他依之第八為影像變其種既自第八相他亦應  
變緣各根法現影像變時可為受用則變相見等種子微細不得緣  
他無受用義故不須之此唯意境中邊等中大緣他身者如此解問  
景師云賴耶依共相種變作他根塵等於他處現相似根塵實是外  
器由此變故與作緣令他緣時彼識得變當時緣自己家共相種子  
則名緣變種子也更無別緣變他身種子又復自身賴耶緣自作用

編卷十一

十三

直

名緣種子種子無別離性可緣五數所變別有離性思之可解及諸  
色根根所依處者泰法師云根所依處則四塵也就四塵中觸塵少  
分是根所依除其三大三大既非所執受故四大中賴耶應唯緣地  
大又准下文若約現行不相離者唯有七物眼身地大及以四塵將  
知聲亦非所執受若尔聲及三大賴耶不緣耶答如眼所依唯有地



大是堅牢性非三大造故非根依又此三必不現行故眼根攝唯有  
七物如眼等煖等雖是水大而此水大等別從緣生非與眼根一種  
類起聲亦如是以間斷故非賴耶境界師補闕及脩師去根所依處  
通於五塵以同時大中有其性聲故亦言據性成四大一切處具四  
但就事相則有不具理實同時四塵有生聲能皆名有聲性三藏云  
賴耶緣聲故三大及聲雖非執受而是所緣故攝論云此識香味觸  
之所滋長基師去根所依處者則攝四大及扶根四大及扶根塵護  
月有三種五根一意識及相應變者二末那相應變者彼以第七識  
緣第八相分為我所故問曰若尔第七既緣第八相以為我所則第  
七名無漏緣耶以緣第八相為我所故今解唯緣根及所依等為所  
緣非種子種子即自身上義分則自證分緣故非無漏緣使第七雖  
緣第八起我然迷捨故迷現行不別緣還滅上功能故非無漏緣使



若尔既亦緣第八所緣外器為所緣應是上界緣使述曰不然第八雖緣上器然有親有疎緣欲界者親由業感緣上界者疎不由業感第七既緣第八見分為我所緣相業所招生親相分者則欲界器其我所則須隨我我既欲界繫所亦應然故非他界緣使問曰意識緣上界色等時此相則隨見分欲界繫第八既緣上界相色等則應欲界繫述曰不然第八含種子種子三界繫故第六不然故不為例有種故親變故第八境非欲界繫第六識等名種子影像緣故隨見分界繫又解護月第七緣第八時無我所通說故言其實無也三本識所變五根今唯自所變實業感之一者非餘二種五根也此緣內時其造聲四大一切時有常緣聲界義說有之其實無有則緣聲之種子及四大故名為緣聲非現行聲一切時有也此七應有一大增時如眼中地大身根眼根四塵則七物可得知餘無不可得者彼增時



亦即說緣其護法唯有二種五根第八第六二識所變第七唯緣第

倫苑土 十四

八為我家之我即為我所故護月難護法曰若上不緣下外器者何  
故脩生天眼即第八緣也又云此非第八境故不緣唯意所行若尔  
心無境無意不緣此第八復不緣其眼應無若尔如五識非第八境  
意不緣此五識豈則應無識是見分取於所緣此根非見分何得為  
例亦隨識為見分故同五識述曰緣未必要須業所感者如下界長  
發根等第八亦緣如種雖非業生第八亦不妨緣若亦何故不許上  
地將下地生時亦緣外器相以下界第八緣上界眼故如下次自解  
此於有色界等者倫師云此文則順護法解若緣他身則無執受故  
基師述護月云若無色界第八不緣下器者何故外器文前預簡云  
此於有色界故知無色緣下外器護法云此簡內執文若有色界有



種有根及根所依無色唯有種子無根及扶根塵則內執受半有半  
無故須簡外色執受中一切無色界皆無何須致簡故下膏炷喻若  
無色有外器應無內性外有光明故知簡別不隨汝意第八俱五數  
所變他化等衆生數非衆生數者則衆生數若尔何故非異熟說根  
為識依也亦是然是未依本生故了別外無分別器相者乃至器世  
間相等者補闡大賴耶內持外共相種生外世界無有間斷即是依  
內外得成今第二門俱了所生外器世界故云謂能乃至器世界相  
能生共種前門已了譬如乃至外發光明者焰喻本識膏炷喻共相  
種子外發光明諸處遍滿喻器世界泰師云了別者弁賴耶識於外  
器相能了別時則釋章門中了別語依止緣內等者則賴耶識一分  
緣內執受種義有一分了別外器世界相於外器界一分了別賴耶  
識依止彼緣內種分之識而外變為外器之相恒時無斷故燈焰生



時喻彼外器中能了別膏如執受種炷喻賴耶識光喻外器相是則此外器了別依止彼種子及依止賴耶而外變器相更不別解其能了別言無分別器相者有釋一切衆生賴耶所變外器一時一處無差別相同一器故名無分別又解賴耶識內共業力增上感一風輪所住之處於餘世界則無受用義故所變器相無有間斷故名無分別亦可非有情故名無分別其根塵等雖不分別而有情攝故名有分別 論復次阿賴耶至亦難了故 記曰景師解云賴耶現量知法自相例如眼識總見叢林一念眼識差別行解知法自相賴耶亦

亦一念頓知內身外器無量百千差別行解別知前事名知自相得名現量故知賴耶一一念中起多行解行解既多緣慮微細世聰惠者亦不能了 論復次阿賴耶識至了別而轉故 記曰基師解云



此中護法為正文難護月云若緣三界器相此中何故唯言從初執受乃至命終彼通曰此但約一內身為論而說外器非據實義問曰如此處業還感此處界如欲界死生上界則此界業盡故生若未盡如何生上界若盡何故生上界猶緣下界外器此外器若生上猶緣此外器界應永不盡義曰若有情身及外別受用果須業盡時果盡有業時緣外器別果其外共器果未必要須業有方緣以一切時任運緣彼為境界故問曰若尔如論諸處說第四禪外器雖無三灾壞而隨身生滅所隨生滅器既是共相果如何有滅時以一切時任運緣故下諸界地理難應然且據四禪論不明故義曰且約緣勝故為此說其義者何如一有情感得一處舍宅等緣勝其此外器有情共感雖共業招而此一衆生業力偏增有別受用勝緣故若此勝緣在餘有情隨之得變若無勝緣此處亦滅問曰若然此一有情復餘有



情所共緣者亦隨勝緣說滅諸有情所變勝緣既在而後有情亦應緣之理既有妨不可取之又如地獄必惡業招若生人天其何業感若在色界亦得緣者何故色界身猶起地獄諸不善而能感果故有大妨設護法菩薩此義如何義曰若在上界不緣下界其理無妨然欲界人天何時造彼業者此若人天所感之業必是善感以人天不受彼生若惡業感招必定受生如以別惡業等故於此中無妨如見糞汁名為美食其理如此又第八若不緣上色界等者如此起天眼通者此眼根豈非第八緣耶答曰不緣若尔如何名唯識答曰種子生故名唯識非識所緣故如六七識界為緣等又云緣若尔何故不許緣上界耶義曰若往彼界何緣不許緣其色界繫色非第八緣見相別繫故依彼為門自變為影像故馬勝比丘事入淨土等皆如意隨往所見則變屬見分繫然色界者色繫緣

論復次至非一非常



記曰第四門也

論復次至極微細執受境

記曰常言於欲界中

緣狹小執受境等者泰師云狹小廣大不唯取身亦取種子為執受境以是狹廣因故亦是果故問八七識種既非狹廣因果此中攝不

論義士

其

直

答如論說欲界心名為小心色界等心為大心既小大心種故亦名狹廣故偈師云此文亦順護法義若從護月應云欲界賴耶緣五種境乃至非想具緣五境故補闕云此一段文唯明緣於內身以文皆說緣執受故欲界身狹小色界身廣大空處識處已上賴耶但緣種子而言空識二處緣無量執受境者由作空識遍滿觀故熏成種賴耶緣彼遍滿觀種故名緣無量從識處遍滿觀訖更復推求離識已外更無若色非色可得遂起無所有解熏成種子當地賴耶緣彼種子名緣微細執受境非想心行寂細熏成種子故彼賴耶緣自地種



于時名緣極微細熱受境外器世界云何得知一欲界量云何應知一色界量三藏云稱第四靜慮向下所蓋是一欲界一色界量如初靜慮覆一小千世界則有千四天下有一梵王第二靜慮覆中千界則覆大千梵王界第三靜慮覆大千界則覆百方梵王之界第四靜慮覆無量界則覆無量梵王之界故依第四靜慮所有疆界下所覆處為一色界為一欲界言無量者對寬三靜慮故言無量非謂出過一切數故云無量以許十方得有無量諸三界故是故傍豎有多三界基師云此約身為論以身量小故名狹小有義以外器有大小量說等如小千界等基又說以諸十八界多少說小大緣如無色界無色無身以何為小大故說諸界名為大小以無色界約法處說大小故其義易解三藏云彼心或廣或略熏成種時第八緣此種種從現行名廣略等非緣現行若尔則得說第八識緣三界種子境也答不然約



功能如欲界名狹小行種所生現行亦狹小故如是乃至無色界亦然若欲色界不約外器為論以俱緣無量外器界故 論如是了別至所緣轉相 記曰結也 論云何建立相至相應轉相 記曰第二明相應轉相云第八俱五法者基師云此為能熏為是所熏義曰非二以非主無力不與能熏相應而非所熏以無力能不從加行心之所引生故非能熏夫能熏者必從前加行心引生者可成能熏故此五法非是能熏若尔六識之中異熟捨受應同此類非能所熏義曰許然無失此為勝義也又此五法緣境為緣第八識之境為別為境緣問曰何失若緣本識境云何名不同一行相若別緣者如五根既為本識等六法所變為六五根而眼等識依何者根故皆有妨如實義者但緣第八識之境若尔如何釋同一所緣不同行相雖境無



別見用各殊受為領納想為取像等見有別故說不同一行相言無  
記性攝者補闕云前已明是異熟所攝則是無記何須重弁是無記  
性者以次前明受數是不苦不樂以不苦樂受通於三性然未知此  
受是何性攝故今重明是無記性攝當知餘心法行相亦尔者類餘  
四數分別如受 論云何建立至非無意根 記曰第三明牙為緣  
性轉相於中初問次解後牒結之解中有二初明賴耶與轉識為二  
緣二明轉識與彼賴耶亦為二緣賴耶為二緣者一為種子謂能生  
彼三性轉識則是因緣當十因中生起因二為彼所依則增上緣謂  
由賴耶執持五根方生五識又由賴耶生彼末那為依止故意識得  
轉則當十因之內攝受因以攝受因中有三緣故基師又云由第八  
為境故得起第七見分又由第八中種子故第七得起具此二義故  
作此說 論復次諸轉識至緣性轉相 記曰景師解云於現法中



長養彼種子故謂依轉識熏阿賴耶由此因緣善等轉識轉更增長  
明了熾盛熏成三性名言種子此則現行得為因緣非望識躰彼種  
無別躰攬識為性故極望識說作因緣則十因中生起因問曰現行  
熏識成種子時為同時成種為異時耶西方二釋一解熏時則成種  
子二解能熏住滅相時所熏種子起住生相二於後法中為彼得生  
攝殖彼種子故謂彼熏習種類能引當來阿賴耶識若能熏生彼本  
識有分種子要待經生此因方熟又前據熏現報後據熏生後種又  
前據新熏成就後據引發本有生本識種基師云此中若熏種同時  
生滅家取此文為正若異時家於此文云此謂現行能熏之識與第  
八識同生同滅熏習第八非現行與種同時生滅此中有二評一家  
云初秩第五種子七義中去若生異類則此念生若生自類非即此  
此剎那故知現行望種種望現行是自類異念生若尔云何釋種子



六義念念滅俱有義曰此但約俱有生滅非則此剎那中同生同滅  
一家云諸種生現現生種必同時如種子義及此中文等如第五卷  
等種子七義文言自類者謂自種子類種子生種子自類相生故非  
即此剎那若種望現行名異類是即此剎那文舊種望新種亦有異  
類即此剎那故此二釋此處不同 論云何建立阿至和合轉時

記曰第四明俱轉轉相先問次解後結解中有二初明俱轉第二釋  
難俱轉有三初明賴耶餘識俱轉二與三受俱轉三與三性識俱轉  
前中初明根本論後弁傍生論言若有心位常與賴耶一時俱轉者  
錄說雖通舉有心位無心位皆有末那實但取無心位若取有心位  
則與二識乃至七識一時俱轉別不得言唯與末那一時俱轉泰師  
云略有二證證末那識無漏觀中無一後文云或有成轉識非賴耶



識謂阿羅漢若諸獨覺不退菩薩及諸如來住有心位尔時雖有心而非賴耶此文旣云阿賴耶識與一俱轉謂末那識將知於無漏觀中設有末那則無賴耶可與俱轉二即此文云何以故由此末那我見慢等恒共相應思量行相明知此中所言末那於二空觀中不得現起若於無漏觀中設有賴耶則無末那可與俱轉以此二證證賴耶末那若於無漏觀中不得俱轉而言有心無心位常與賴耶一時俱轉者謂無想定及無想異熟故西方諸德以此文證無漏觀中有末那識不應道理自非比量不得成立末那有義量云無漏意識有同時根第六攝故如有漏意識有漏意識應無同時根第六攝故如無漏意識又成法執云如羅漢有漏意識起時有末那識為同時根是有漏意故如凡意識則不可言羅漢所起是人執故基師云此與對法第二相違彼云又此意遍行一切善不善無記法俱唯除聖道



現行若處滅定及無學位故此相違即此文云無心有心皆相違則滅定無心聖道無學有心尚行故有相違依此西方二說一云末那唯有人我無法我則如對法三時不現行為正然此中言有心無心三性位有等者則除滅定餘無心位謂無心睡眠悶絕入無想定生無想天非謂滅定中有今無漏觀無學身中三乘皆入人空觀第七唯人我故不行有漏之識無漏之識可生若言滅定亦有第七一切時論此何意也問曰云何滅定等三時無而言常與第七識俱轉答曰此據除三位餘一切位俱非三位亦有名俱下言有心定無心定者則無想定有漏定等非滅定無漏定又第二師釋云則此文為正末那一切時常有然對法言三時不行亦有義以第七識雙起人法二我如二乘入無漏觀等三位人執末那不行若菩薩入法觀聖道等三位則法執末那不行此二時中無人執時法執在二執無時無



瑜伽師地論記卷第十一

漏末那生今遮有漏二執故言無非人觀中無法執二空觀中無無  
漏者若尔何故此文或與一識俱轉答曰此對餘六言或非唯此一  
不然更加二三等不定故言或非末那有時有時無言或也何故  
無漏觀中無人法執者如佛地論對法論第二說所以言緣阿賴耶  
以為境界執我起慢思量行相者准此西方二釋一護月師第七唯  
緣第八心王見分為我相分為所種子等如前已說故此文唯緣見  
分故故唯有我無我所等故攝論等云我我所等或唯有我無我所  
餘處文例之護法解云以此准知緣第八見分為我不緣別相分等  
為所然言我我所等者則計第八為我家之我則是我所其中緣種  
不緣他界無漏緣使等如前弁 論又復意識染至相縛解脫 記  
曰景師云末那執人法躰名為相縛意識依彼末那相縛不得清淨



名未脫縛下文則據意識相見并於二縛彼云自身外為相縛所縛  
內為慮重縛所縛者近取相縛則是相分執其實相名為相縛慮重  
縛者則是見分由帶煩惱不調柔性凡所對緣不能安隱名慮重縛  
末那滅已意識於境知空無我則於相縛而得解脫設更有文與此  
相違應依此中道理會釋泰師云今於此中決擇賴耶俱起流轉何  
故復并意識相縛耶則有二解一云因言長理又解此識前若賴耶  
與意識俱必與末那俱起由意識以末那為依止故因此則證是有  
漏意識依染汚末那非謂人空觀中有染執末那亦非則有無漏意  
識何者此文既言意識以染汚末那為依止故知能依意識非是法  
空無漏意識又言相了別縛謂意識了別若言於人空觀中有彼染  
執末那未滅若為能依無漏識有相了別縛以無我智唯緣真如故  
以此准知所依是人執末那能依是有漏意識彼末那滅時八識相縛



並得解脫非唯意識基師云此文為前文由有阿賴耶故末那得有  
文勢故起又如本地分中同時依止意彼未解相依起過行相今此  
明之由有末那故第六起相縛謂由末那計第八為我故第六於境  
起法執執有等緣境起縛名為相縛相縛解則六塵所緣皆縛也又  
由有此末那故八識緣境皆有緣縛則諸論云謂境界相能生縛也  
此縛為由法執末那故起為由人執故起若法執者二乘及大乘人  
聖觀應是有漏必待所依法執故今此准知有人執末那故第六識等

倫薩士

二十

直字号

起縛何以如此者此人執是惑性解處故起他識相縛法執不然故  
不為例此皆以自識所行境相望為縛又他境為縛由末那所緣順  
第六法識故所以起縛若無漏第七不順故不為縛 論又復意識  
緣至緣法為境 記曰緣自他境文以意解縛故前解非他於自境



起縛亦緣他境起縛言或頻不頻者景師云捻緣五塵名頻等泰師  
云此則釋前或於一時與三四乃至七俱謂若有五識何故定有意  
識解此問意由意識亦得緣他五識境故五識起時定有意識由此道  
理故有三四乃至七俱 論復次至不苦不樂受俱轉 記曰次明  
賴耶與彼七識相應三受俱轉言此受與轉識相應依彼而起者景  
師云除彼賴耶受數明本識別與轉識相應三受俱轉泰師云此受  
與轉識相應依彼轉識起言若那落迦等中與純苦無雜受俱時而  
轉等者基師云此准瑜伽以三禪樂極唯在意地地獄苦極亦唯在  
意若地獄極大地獄者唯有苦受如舊攝論與樂相應又云前本地  
分五識身地與樂相應者無此文今此中云唯者一說約種子餘處  
文是亦得成就樂受若約現行不然故前第四云四種地獄無樂受  
然有多分受如是等苦此據增苦非謂有樂又云以死為樂者非謂



瑜伽師地論記卷第十一

樂受苦滅故名樂其實苦受又約餘輕地獄何妨逢風而為段食必  
非樂相應今據報樂依樂無妨又舊攝論雖有亦翻末依本今攝論  
中無此文若本地如前會地獄言等者以鬼畜有苦樂前樂攝一分  
有福今苦攝一分無福者故言等如顯揚十七卷無等字雖然准三  
受俱畜生等言一分故知餘一分則是純苦 論復次至俱時而轉  
記曰第三明賴耶與三性心俱轉中景師云此義少難西國自有二  
釋一云今言賴耶與三性心俱轉者始終得與三性心俱非謂一時  
此師則說由前六識率尔尋求等勢故一時引起六識等流但可一  
念六識得並次第唯生意識意識次第更生六識六識滅已還唯意  
識獨起並是一性無餘性雜此解與上相違前明賴耶與七識及三受  
並是一時得有俱轉第二師說等流位中五識相續得有三性與賴  
耶並基師又云西方為五識有次第無次第緣家二說一有次第緣



家義者以率尔心唯一刹那故相續唯在等流心如眼識緣善起至等流心一類自相續生耳識復起乃至等流緣不善聲自類相續前

倫疏上

二十一

直字号

眼善識未滅耳不善識遂生故并第八無記三性並起與五識俱更取一識起無記可知或第七則是二無次第緣家者乃至等流五識亦無相續有二說一無一念中三性並此中據事實竟語名一刹那非一念中三性並起二則如前眼善識起至等流心時耳識率尔心起乃至耳不善等流心生時眼識亦生故此一時善不善並問曰若五識起善惡必意識引如耳識起意引不善生眼識無能引應不起善義曰初起善惡必由意引若已引者更不須引故於後時眼還生善問曰若境平等可眼耳二識要隔三刹那方起或於境貪愛何妨隔一二刹那則起若尔眼耳則不並生義曰要須隔三刹那五識類等



瑜伽師地論記卷第十一

故雖於境貪愛以五識類等故不得隔一二念即生又義隔一二剎  
那亦有起惡若尔則無三性並義曰容有此義故於平等境時起三  
性心義如前說 論如是阿賴耶至故得為喻 記曰自下第二釋  
通疑難文分有四初明賴耶與轉識俱起而不相應二明與轉識俱  
起而不相違三明諸識取境捨別四弁末那諸地恒起不與善等相  
違於此四文各通疑難初難云如一行者心起起多心所而得相應  
今一行者身八識三受一時俱起應得相應故今為通云雖與轉識  
俱轉亦與客受客善等心法俱轉者此約前識俱受俱性俱門為有  
法然不應說與彼相應為法則合為宗何以故不與同緣轉故立因  
如眼識下出同法喻凡相應法必須四義等今雖俱起而不同依一  
根及不同緣故不相應略不弁根不同三藏云眼根識得言同境不  
名同緣緣是心法有所緣慮眼根是色但是對境不同名緣境如難



心說五根但是境界有對非緣有對泰師云外人作量難汝賴耶識  
應與轉識三性三受相應俱時轉故猶如心法今通此難作二過失  
一決定相違阿賴耶識不與轉識三性三受得有相應不同緣故如  
眼識眼根等二不定過為如心法俱時轉故諸識相應為如眼根眼  
識俱時轉故不得相應耶喻不可全同其法故云依少分若全同其  
法則是其法不可為喻問何故轉識不云其客受性二種而有客名  
答轉識之名自別賴耶受性名濫故以客別問捨受無記濫故云客  
善惡苦樂名有何濫答分別三數非無此妨捨合性受故標客名故  
此中云亦與客受不云苦樂雖三性別題唯受應合故無此過基師

倫疏上

二五

直字身

又云猶以客言簡之其轉識名中自簡故不言客等 論又如諸心  
法至亦不相違 記曰第二難云一行者身應唯一識既多識俱豈



瑜伽師地論記卷第十

不相違則是經部薩婆多難為通此難先引例證基師云應立量云  
第八及諸識依一身中俱轉牙不相違此宗因云相各異故喻云如  
彼心所法一身俱轉次引二喻景師云同喻一事俱起無違亦可同  
昔人解初明水與波浪不異攪水成波明不離義喻七轉識攪賴耶  
為躰後鏡面喻喻不即義不攪鏡面以成影像故泰師云外人難云  
一身八識應牙相違不得俱轉以是主故猶如一國多王不並論主  
作決定相違過云一身心識牙不相違以相異故如心法等立宗中  
牙不相違者即俱轉義基師云此據於第八識非一異故有種子故  
得有諸識並生今量云第八識上容有諸識並生宗不一異故因喻  
云如水波鏡像此中因果道理若約用別不得名一如心所性雖無  
差別然相異故若言躰殊波浪雖多躰唯一水故六八識不得言異  
因果用別不得言一如一種子不自成因果終望塵等方成故躰即



一性異即不成因果故不得言異如水不生火是性異故今此道理亦尔即如攝論無着等語以六識等為別有躰又有說即是一躰此二義別今此中依中道說二偏俱非二家撻取並是 論又如一眼識至亦不相違 記曰第三疑云如何諸識取境各別而不乖異為釋此疑初明眼識取境撻別二類三識三明身識取境四例意識五結顯不違泰師云大乘中如眼識於一念時取青黃等多色境界有青黃等多種行解取相各異于不相違廣說乃至意識亦尔當知本識與諸識俱亦不相違偁師云婆沙第三師義當此論謂如彼論說眼識取色有四師解一解別緣二解了撻緣不了別緣三解同色撻緣別色別緣當成實義四解衆色聚集多色生於一識若不聚集則緣一色生於一識 論又前說末那至無記性 記曰第四疑云如阿賴耶性は無記通與定散三性識並豈不乖異為釋此疑故引前



瑜伽師地論記卷第十一

說為證末那性是隱沒散心通與定位善等並生而無乖異賴耶與轉識並生亦不相違何怪之有基師云末那以諸門分別如諸德章可解緣八為我我所有二說一即緣王為我緣所為我所此非正義各別緣故二說則直緣我是我見為我家之我是我所見問曰何以

倫 疏十二

二十三

直

得一念中起二心解耶義曰第六尚起一切境解末那何妨此義為正又緣見為我緣相分為所諸餘九數有論文相應或唯與十九數相應等第三果何時斷即此世間道伏不伏如雋師末那章解此解末那又即勝前諸識俱轉中文彼未了者此亦重決彼前唯云若與有心無心不解定不定地不違善不善故今時云重決則解六識緣自他前文故故論云又前說也 論如是至俱轉轉相 記曰結也論云何建立至亦為增上緣 記曰第五明雜染還滅相中初問次



解後結解中有三初明建立雜染二明趣入通達脩習作意三明建立轉依建立雜染中初略立宗謂是一切雜染根本所以者何已下問答分別有其七句至下牒結但牒五句不牒第三第四言七句者一有情根本二器世間根本三是有情乐起根本一切有情相望乐為增上緣故等者景師云此文則順護月自身賴耶於他根塵處亦變亦緣而不執受若不變起他根塵等云何名見他身生苦樂等此用自身共相種子於他身處變他身根塵生心自取其實但是彼器世界攝而相負似於有情攝也基師云西方二說一云護月第八上變為他身二護法不然謂第八為二變謂根等令自見等此是不共相業感二亦共相感令他見等故名增上緣若護月云亦變為他身者其他身五根識所依者亦從自身種子而生則他依之識何非自種子耶應同於根於立量云他身眼識應從自身種子生宗他身眼根



識之中隨一攝故。因如他身眼根。喻若他身識所依根。自不親生者。與我何異。他為增上緣。而第八變故。然變為他身。則外器所攝。非託變他實根識。託變彼扶根塵。第六識可計為有情等。此中有二業。謂共不共。然共中有二。謂共中共。共中共不共。如一外器世界。他共緣受用。故名共中共。如衣物等。唯自所用。他雖有用。義名共。然自受用。業勝名共中共不共。不共中共亦二。謂不共中共不共。不共中共。謂如自眼根。他識不依。唯自識依。名不共中共不共。其扶根塵等。自不共。業招然亦他第八變。即不共中共。問曰。如自身中眼識所變。亦非意等所見者。何況他人。如何名共中共不共中共。叙曰。然以理。唯無共者。皆自第八所變。他則不受用。今據相似。如眼根。唯自受用。義他無名不共中共不共。其外器世間。雖自變者。非他用。然受用中有相似。義謂言共用。



故名共業餘之二句唯此應釋今現亦則變他身實根等義又有云  
二師義者一云變第八託他身而變第二云眼識依彼第八所變而  
更變之若亦不然何者豈以眼重依之而更說變如此等理有識詳  
之論又即此至雜染根本記曰四者能持一切種子五於現世  
是苦諦躰者酬前因故六亦是未來苦諦生因者持種奉當故七是  
現在集諦生因者由迷現識起煩惱業名現集因論復次至與流  
轉相違故記曰第二明趣入通達脩習作意中初明趣入通達後  
明脩習作意前中又二初趣入通達後釋通疑難前中五句初云頓  
耶攝解脫決擇分等善法種子非集諦因與流轉相違故者景師云  
七方便前發心求解脫是解脫分前三分方便名隨順順決擇分煖  
等四正是決擇分此二善根由厭生死趣求聖道故非集諦故本地  
分明十二支一向是非學非無學墮流轉故解脫分等論名為學與



流轉相違非是有支故非集諦然於餘處有說未知欲知等三根一向無漏是其道諦如見道已前七種方便及與見道是未知欲知根躰又別處文說解脫分善通三界繫及與不繫決擇分善色無色繫及不繫豈不相違為有此妨西國有解三乘無漏種子法尔性成發心已後入解脫分位及順決擇位則說此位說此種子亦名順解脫分等此二善根則是未知當知根躰故言三無漏根一向無漏道諦所攝又言順解脫分通三界繫及不繫者躰是有漏是三界繫由獸生死不定招感名為不繫順決擇分通色無色繫及不繫義亦如前問解脫分若是有繫屬界地則應招感入十二支若是有支則十二支亦有是學何故定言非學無學耶解云若是有漏通感摠別二報入十二支解脫分等由獸生死不能牽摠躰是有漏猶招別報有斯進退非十二支故十二支不得名學基云今解五停心等三加行正



是解脫分躰並是決擇分前故名隨順順決擇分其解脫分亦然從  
聞惠以去名解脫分已前據持十二部經等是生得善故是彼解脫  
分加行躰非解脫分解脫分通九地繫下自有文決擇分三藏云通  
七地四色三無色若尔如何下說六現觀中云三依五依生故知決  
擇分但是色界五地繫前三方便是決擇分故五停心觀等若是散  
心則欲界繫等故故通七地燋等四善根唯在色界故三依五依亦

無違也此中言非集諦因等者若勝軍云此解脫分等善根雖躰有  
漏方便善攝令福分善等種子增長感異熟果而隨順無漏正不能  
感生死摠報苦果言非集諦如護月等則由無漏種力令現行方便  
有漏善法及福分善根等二法增長 論所餘世間至諸異熟果  
記曰第二句云所餘世間所有善根由此生故轉更明盛者景師云



世間福分善根由解脫分等所資導故轉更明盛基師云以數習加  
行善故了達因果故明也若護月等亦令加行有漏善及福分等者  
明了第三句云由此因緣乃至速得成立者景云此明福分善種由  
此解脫分等資導轉明盛緣即能攝養自福分種增長成立基師云  
此中由解脫分等為因緣故令世間福分善等種子名言無記種轉  
有功能善業等種轉有勢力自解脫分善根成立成立者能增勝生  
果也又即令福分善等種子速得成立此中還新熏本有二義第四  
句云復由此種子故彼諸善法轉明盛生者景師云此明福分種能  
生現行等流果勝謂由福分自類種增長故今現起福分轉明盛生  
基師云謂由解脫分等種故後自現行善法轉明盛生又云則福分  
善現行也若尔與前轉更明盛何異述曰更勝於前念念增故第五  
句云又復能感當來乃至諸異熟果者謂則前福分種子非直能生



現在等流果亦感當來可愛異熟果基師云此正明福分善業義非  
解脫分等善然非不感別報 論復次依至有多界故 記曰下通  
伏難難意論主前說賴耶為雜染因云何復說為還滅因於一識中  
障治並有豈不相違論主下引二經成答初引種子經若一識中現  
起解惑兩法相違染淨種子依一識中理便無損故言薄伽梵說有  
十八界由於賴耶有種種界界是種子亦是因義又如經說惡義聚  
喻者引第二經三藏云西國中見惡義子欲似此間染靴無食子也  
西國取之時染皂或押取油此間無名可翻故存惡義 論復次此  
至阿賴耶識 記曰第二明脩習作意中初標後釋釋中先明三乘  
未見諦人在見道前但緣轉識為境作四諦觀脩習作意未能通達  
阿賴耶識道理觀苦諦時亦總觀着阿賴耶識以未知故但言緣轉  
識為境 論此未見諦者至縛所縛 記曰次明已入見道則能通



瑜伽師地論記卷第十一

達阿賴耶識言或入聲聞正性離生等者景師解云舊言聖性名為

倫士

二六

直字号

正性凡夫性名為邪性今入見道捨邪得正當凡夫受無邊生死今入見道唯除七生餘生得滅起昇離生今西國解念真如理名為正性言離生者則見道煩惱為生死本猶如生食在腹不消為諸病本將喻名法即名見惑為生今斷見惑故名離生此中既言菩薩達一切法真如已通達賴耶即簡二乘二乘見道但觀人無我所顯真如則不得言達一切法真如法界通達賴耶以彼菩薩通達二空真如出觀後得心中了了見賴耶是諸法本聲聞已見諦者觀苦集時名抵通達以彼賴耶是苦集故泰師云此文既并還滅滅賴耶識名為還滅今此中言復能通達阿賴耶者則斷種子賴耶名為還滅三乘俱能斷種子賴耶故名通達若菩薩通達二無我真如已後得智中



則能通達阿賴耶識當於爾時能摠觀察自識內所有一切雜染種子亦能了知自阿賴耶見分自身或可轉識亦名自身了別此中身外為相分相縛所縛內為一切雜染種子麤重所縛基師云此中泯解不言入獨覺見道者略而不論又觀行同故唯斷人執相似若說聲聞已說獨覺此中言緣轉識為境者違攝論文彼云菩薩初學應先學如實因緣如實因緣者即阿賴耶識故相違也一解云其實菩薩地前作阿賴耶唯識如攝論說然通三乘前見道行故名唯觀轉識轉識中有雜染故皆緣之非菩薩不緣第八又皆緣第八作唯識然入見諦已後則緣本質第八若能作唯識觀此約後得智若未入見諦緣本質不着無後得智故緣自第六之影故名緣轉識非謂本質中不緣第八攝論約本質此間約影像說無過聲聞等人類菩薩雙觀入見諦已去後得智起方實緣阿賴耶不然不緣若前不緣第



八後如何得緣問曰如何聲聞亦作此觀耶述曰若不定聲聞根已  
熟要得入見諦已方趣大乘則容可作此觀約有其根未熟決定姓  
人入見道則不然此文約根已熟不定說又約種子辨說三乘俱依  
一切苦集二諦若有一法未達未遍知我終不說得漏盡約辨觀已  
三乘同觀若約名隨義別是依緣者唯雙觀菩薩有二乘則非是攝  
論等約辨此亦如是故有一切皆達若約名中義隨者則無二乘唯  
觀人我故除一切煩惱障菩薩雙除二障菩薩二乘觀別如前說觀  
故達阿賴耶如前說無異又正解菩薩能知第八非二乘人二乘人

論卷十

七

直

此中見道依緣轉識觀後入見諦了知一切雜染及諸縛等菩薩无  
前實緣第八未緣看故名緣轉識後入見諦緣阿賴耶阿賴耶非二  
乘緣論復次脩至一切雜染記曰自下第三明建立轉依於中



有三初明轉依二明轉依與彼賴耶相違三明已轉依相初云脩觀行者乃至當言已斷一切雜染者景師云轉依有三一轉依了因則十地聖道二是所轉則是賴耶雜染種子三是轉依之躰則是斷惑所顯擇滅此中由前通達真法界已故於後智出觀之位彼見賴耶是諸戲論因起根本界是因義故初觀有為一切諸行皆由本識因緣集起是將言推事入理作真如觀斷諸妄相先於事中與本攝末收果入因一切有為皆悉是識識外無法是故經言三界虛妄皆一心作故言略彼諸法於本識中摠為一團一積一聚此為遠方便但由久習取執不捨後見受躰有其相良為除此相次脩空觀觀此識聚性相皆空無我我所由此空觀為方便門得證真如故言為一聚已由緣真如境智脩習故而得轉依此則金剛無間道斷惑顯真如理言轉依無間當言已斷賴耶者即在佛地是解脫道由此斷故當



言已斷雜染者賴耶持種由斷賴耶當知已斷一切際種之根基師  
云此言轉依者有三種一心轉依謂真如轉作所依也二道轉則無  
分別智此是能轉也三滅性則擇滅無為此之所論即擇滅由能緣  
之智緣真如所得故而建立非是實法 論當知轉依至得大自在  
記曰次明相違有五句當知轉依由相違故永治賴耶識者賴耶若  
在轉依不顯轉依若顯賴耶則滅是故相違此搃句也下有四句釋  
相違義又賴耶有取受性等者景師云賴耶從取所生復生於取基  
師云有取受性則取共果也又賴耶恒為一切塵重所隨等者倚景  
同云此文似順金剛心生賴耶隨種已住滅相以為塵重恒隨逐故  
又賴耶乃至非生因性者景師云賴耶是生煩惱因聖道為不生因  
轉依亦為不生生因翻前可解轉依望聖道但為增上緣及所緣緣  
建立聖道非是因緣故云應知但是建立因性非生因性又賴耶乃



至得大自在者景師云由有雜染障於定故於定善法及彼禪果變化無記不得自在基師云得轉依已取捨三性法得自在不然取捨不自在 論又阿賴耶識斷至猶如變化 記曰第三明已轉依相

倫師士

二八

直

中景師解云又阿賴耶乃至捨二種取是一章門其身雖住猶如變化是第二章前并轉依正顯大乘轉依今時所說順小乘轉依如阿羅漢雖斷諸取殘報仍在猶如變化變化有相而無煩惱無學惑盡身淨如化大乘實受用身由染賴耶隨因已滅則不得言其身猶住等亦可約彼大乘化佛得順此解化相得言十九出家三十成道斷煩惱盡五十年中殘報猶在猶如變化此立宗竟 論所以者何至究竟滅盡 記曰下問答解前二章所以捨二種取其身猶住者何當來後有苦因斷故便捨後有之取者不造現在十支因故名捨後



有之取即捨十二支中取支於現法中一切煩惱因永斷故便捨現法一切雜染所依之取者由斷現在一切惑種便捨現法所依之取此釋初義唯有命緣暫時得住者釋第二義下引經證可知基師云又此約迴心向大乘語謂以願通力合住百千劫此住命則由願通力生如變化亦以通化力生故也若佛則不如是論如是建立至還滅相記曰下牒結可知論如是已依至易得入故記曰上來決擇心意識義中初問次答竟自下第三釋已總結謂此大乘所立道理勝彼二乘故言勝義非勝義諦也上來大義總弁賴耶心義然以前云末那四惑相應若有心無心位恒行又弁六識取境總別故今總結云建立心意識若有經論於三界等染淨心意識者應隨決了當賴耶義者入心當末那義者入意當六識者入識此是勸人脩學上結別躰心意識義自下結彼一一識上同躰義說心意識義



故言餘處所顯但隨所化等謂六識名識生後名意即此識意集起  
名心 論問若成就至般涅槃界 記曰上來就初心意識門有三  
中第一文訖自下第二約成就四句通塞景師云初句無心睡眠悶  
絕據凡夫學人在欲界中暫無六識入無想定通欲色界滅定通三  
界入生無想天五百劫中並無六識此等據不起現行名不成就問  
如無心睡眠等暫時轉識不行則說不成轉識如前七地中或有多  
時入觀不起彼愛云何不說不成賴耶解云無心睡眠等雖經時少  
然以不成轉識則定故論家說七地已來實有多時不起彼愛然轉  
處所時節不定為在何地為於何時故論家不說今彈此釋猶未逃  
難何者入觀不起愛則定故若以處時不定故不說者睡眠悶絕復

何有定處時耶今解轉識名通諸位故隨躰不起名不成就阿賴耶



名有永捨位故據捨名名不成就所據不同故不為例。泰師云道理一切無漏觀中愛既不行即非賴耶。今四句等中從多取也。俗師云上弁轉依云依於金剛時始滅賴耶故知八九十地並名賴耶。今此第二句中羅漢等三各滅一種賴耶名故並名不成。謂羅漢獨覺斷愛種名不成不退菩薩永伏現行名不成。諸佛如來種習俱盡名不成。基師云此如對法第二云阿賴耶者謂能攝藏諸法種子。又諸有情取為我故即我愛之所取處名阿賴耶。今取後義故八地等捨名不捨。第一偏句中言滅定者此謂第三果人非餘。餘成第四句故若生死中無意識家他難云何故。此中不論生死者則悶絕中攝。第二偏句中有三位一應愛盡故捨名非細法。執謂二乘人第二位謂永伏現行八地已去人愛現行永伏不起非法愛此非留惑以趣法空故。第三雙除麤細習氣人法二執謂如來八地已去此中名不



退者以未得不退故念念恒增進善法初地名不退名已得不退非  
不得有時起煩惱有漏心等故轉識名通漏無漏皆得阿賴耶名種  
唯至有學二乘大乘八地異熟識等則寬乃至大乘金剛二乘無學  
若入無餘界二乘畢竟如來示相此中第四句通滅定等論故言及  
如來等非不退菩薩及如來實亦入無餘依涅槃此約六轉識不約  
第七識亦兼末羅識此云無垢識唯在佛果即第八異名也 論問  
內外諸法至而得建立 記曰自下第三問答連妨如本地分說五  
識意識地皆云自性等五義今因彼處六識自性以興問答問意若  
自性而言則十八界皆是自性何因緣故唯六識界自性建立餘之  
根塵約彼六識所依所緣而建立耶若中有二復次初約六識有了  
別自性以彼六識其性輕利迅速轉變依託根境助伴等力無量百  
千不可隨緣立有各種以同是一眼識類乃至一意識類故名自性



建立此由彼彼依得彼彼名如草火等雖復依緣衆多生起以自性  
類不過六識故然從所依立六識名以不共故所緣即共通生二識  
等故失眼根眼識不生雖失一色更有餘色能生眼識故也餘之根  
境自相續起更無所盪但就六識所依所緣而建立之第二復次  
就一識自性建立又一識類藉彼彼緣種種差別自性生起等者此

信疏上

三十

直

中無著師徒解八解雖別一識流類依緣各別隨依立名若如攝論  
異無著學徒云八種解是一識依根別故遂立八名其解無別即以  
此文為證 論復次當弁至雜染愛樂相 記曰上來十門中第一  
心意識門竟自下第二弁識身遍知初先許說第二正弁弁中有三  
初一問答開列三章次依章弁後結說勝利釋初相中先問次解後  
結解中初解貪與離貪第二類釋嗔等餘九對心謂嗔離嗔癡離癡



下劣非下劣掉舉非掉舉不寂靜寂靜散乱非散乱應脩不應脩解  
脫不解脫放逸不放逸 論如是通知至有灾有惱 記曰第二相  
中先牒前起後第二正弁於中先弁過患後明由有過患故有疫等  
景師云由貪現被煞縛名現法罪由貪墮惡道名後法罪有疫者現  
法罪有擯者後法罪有灾者現後法罪有惱者身心憂苦基師云有  
疫等四者此如三藏云初三是三害後一是心憂苦又前三是三罪  
後一是心憂苦今更別解即八四相次第配之又初一是三害下三是  
三罪又初三是三害後一是三罪 論如是通知至深生厭責 記  
曰第三相可解 論由此因緣至諸漏永盡 記曰下結其勝利言  
無譬喻性者明心速疾難可喻知 論復次當弁至善巧差別 記  
曰第三弁二善巧差別於中有四初明二種善巧二明淨心脩德染  
心有失等三問答通難第四引經解釋前中景師云以如理心了知



一十第卷記論地師伽瑜

遍計所執本來無相證彼真如名心善巧以如量智了知依他染淨等法從因緣轉名知心轉善巧差別基師云依遍計所執無來無去自性涅槃緣證無時證真如法性之心能如實知者名善巧非依他起等故名差別緣三性之心此依他法非是無法觀知是心依他而起名為心轉能實知者不生遍計之執名為善巧異前之觀名為差別又解緣依他起法非有似有假施設有斷此法時證得真如名心轉善巧轉之言滅證真如心滅依他起遍計所執性相是無法觀唯有心所執不可斷不證真如但名心善巧 論復次若能至三起經過失 託曰次明染淨得失一於果安樂者得菩提涅槃於因自在者令心屬已不貪放逸又則由前熏脩心故於果時得究竟故安樂因中制御三性自在也 論問如世尊言至說四念住 記曰第三通難中景師云此中難意論主向弁善脩於心善巧差別如世尊言



唯當於心深善勇猛如理觀察此言相順又依餘經念住中說要當  
於身住身脩觀乃至於法住法脩觀是則通觀身受心法與前所說  
豈不相違故導此何密意答為顯四念住唯觀心者按答前難經雖  
通舉身受心法然意唯觀心了別分別謂觀心執受者觀彼色身能  
執受故名觀身觀心領納者觀彼心王能領納義即名觀受觀心王  
了別名觀於心觀心染淨者觀彼心王染淨之義即名觀法唯為觀  
察已下結通經旨基師云此唯斷樂淨常我之心於境法起實不淨  
等故有言觀心念住得境此中前言識身遍心今言唯當於心深善  
勇猛故有此難又四倒如前第八云戒取是樂倒見取是淨倒邊見  
少分為常倒我見為我倒顯揚云四倒皆想見心故皆名心為除此故  
論復次有諸至解脫門法住 記曰第四引經解釋即引二經住三



種住行六正行於大師教多有所作者此引初經謂住已下解釋也  
景師去住解脫住者三乘菩提涅槃離繫名為解脫知證得時名住  
解脫門者則空無願無相解脫門若約安立諦門并三解脫則空無  
我名空解脫苦無常二行集道各四名為無願滅下四行名為無相  
若約非安立諦立一真如具有三義如離人法即是空門如離十相  
名為無相如離分別希求境界名為無願一念證智證真如時義別  
則名具三解脫基師去如顯揚第二若言空等不言脩等者即通聞  
思脩三惠通漏無漏若唯言空等三摩地者即唯脩所生惠通漏無  
漏若言空等解脫門則唯無漏脩惠今三解脫門唯入見諦無漏者  
故下六正行相攝中見脩二道攝此也及住能引解脫門法住者即  
七方便見道前也又解脫住住涅槃滅諦解脫門住即道諦涅槃依  
之得顯故謂之門能引解脫門法住者即地前有漏三惠引生見諦



等中道滅諦也。論行無間行至受用行。記曰：次釋行六正行。景師云：無間行者，即是聞惠、聞惠親、由教起名、無間行善受思惟行者。是思惠行脩所引善根生起行者，有漏脩惠行也。此三惠行，則攝向前及住，能引解脫門法住以同。是三乘見道已前方便行，故行離諸愛味、簡擇諦行者，謂在三乘無相及相二種見道離諸愛味、簡擇安立非安立諦，故則於此無增上慢行者，通是習學三乘脩道前得見道。今得脩道，即除未得，謂得增上慢也。此之二行，即攝向前住解脫。

倫疏上

三

直

門住以其同在見脩二道，故正清淨受用行者，即是三乘無學之行。離染盡，故若為清淨證涅槃樂，名為受用。即攝向前住解脫住以同。故基師初解大同，又解無間行即七方便中無間脩善受思惟，即見道無間脩已，今得無漏，故言善受脩所引善起，謂脩道脩依善根。



起故於脩道中離三界欲此則是下界離欲時離色界欲名簡擇諦  
行緣諦理而簡擇故離無色界欲名無增上慢如增上慢比丘得第  
四禪謂是羅漢果此離無色界欲得無漏不起增上慢亦於已得離  
色界欲不起增上慢此皆脩道然約一界中增勝得名不如前解後  
得無學果時名正清淨行得六恒住法故前解脫亦可次第配上第  
一是前第三中四是前第二約增時語第六是前第一或此後五捨  
通前二 論復次有至受用勝解 記曰次引第二經解景師六一  
受者捨施如大迦葉次行乞食福利貧窮此則捨身為田受他飲食  
名受者施亦可見有受者即便施與名受者施二施者捨施即施主  
行施可知施果亦二一得大財富是初施果捨身為田名受者施則  
於現在得大財富得施物故若言見有受者即便施與此於未來得  
大財富二得此等流受用勝解者是施者施果由捨財故未來還得



多財名得等流因此後能自用施他名受用勝解基師述三藏二釋  
一云如乞食者則同景師初解二云受得他財而行捨施即轉施法  
施者施可知又破自慳故自受用財受者自捨與已身名受者捨施  
即與自己童僕亦是皆以施心故此當來得財還自受用為等流勝  
解果二施與他者得大財富又前二施如前解皆得大財為異熟果  
於中不慳還能受用名等流果 論復次當弁至皆不應理 記曰  
第四證成道理次擇因緣先揔許說然後正弁正中初明證成道  
理立過未無後別廣次擇因緣前中有三初明過未無二弁三世相  
三對難釋通前中初明未來無後類過去無此中釋文多依基抄此  
破去來實有論為欲明三世自法先破於彼因次擇前尋伺地第六  
卷文非正決擇此依地等決擇故 論何以故至果相生起 記曰  
下難中何以故揔徵非無方無處法有從異方轉趣異方義者此破



第一應立量云未來世色應有方所有轉異故如現在色又未來世法不能移轉至現在世無方所故如兔角等亦非未生未已生法等

倫疏上

三十三

真字号

一十第卷記論地師伽瑜

者此第二謂汝未來法定無有死以無生故猶如虛空及兔角等若彼為緣而得生者便異法生等者此破第三謂未來法自住不壞用此為緣現在別法生此法未來無故便違宗過如何言一切法未來本有應立量云此現在生法非未來見有以離生故如住滅等相用又一切法第一義中無作用等者此破葉用師第四義葉用離躰必不可得躰有方起故如躰自躰設許異者未來亦應有葉用依躰生故如現在葉又此葉用便應本無而今得生即符順他宗然違自宗彼宗一切法未來有故若不尔即亦應立量云一切躰相未來非有不離葉故猶如現葉等又與世尊言相違下破未來躰有應立量云



未來世躰躰應是常本有今有故如虛空等等於一相若相異分得  
是有者等者此破第五未來相未滿現在相滿此中云若未滿一分  
未來有者此圓滿之分未來何故不有應立量云現在一分圓滿之  
相未來還有有彼不同一分故如現在相景師補闡云未來諸法  
相應圓滿以與現法同一躰故如現在相又現在之相應不圓滿與  
未來法同一躰故如未來相又相異分本無今有等者應破未來不  
圓非本有量云未來一分不圓滿相應本無今有相一分故如現在  
一分圓滿相又離色等一切行相餘未來分等者此破第六未來別  
有分不是色等現在亦尔故三世別者應立量云汝所言離色等外  
有未來分決定是無現比二量不可得故如兎角等補闡云離色等  
行餘未來分必不可得以與色等性無異故猶如色等又應未來無  
有果相現在方有等者此果相亦本無今有如何言一切皆未來有



應立量云未來世時應有果相有世分故如現在世世分者即未來  
分等是此中有六師前第六本地有七計即有兩釋一云彼第六七  
合是此中第六故此為六又解彼第七即此第六此中無彼第六  
論如是已弁至非實非有 記曰類過去也 論復次過去行至未  
得自性 記曰次弁三世相前本地第三卷已解有三種三世一神  
通三世二唯識三世三法相三世法相三世者且如於現在種子有  
當曾等義說三世法即前第三於種子建立此同現行然種子恒故  
說非現行下第二卷云現在有三相一是過去果相二者未來因相  
三現在自種法相即是唯識三世者先識上有曾當境等故如凡夫等

倫疏上

三五

直 字号

緣過未境此境當心現似識上妄有功能影像相生與識無別種似  
三世法生此實現現在皆託曾緣種子當緣種子而生此影像此由唯



識妄故名唯識故前第三本地若任運散乱意識名緣現在境以境恒現在故問心不孤起託本質境而生此若緣過未無境而生既識無本質者如何生如極微虛空等以教為本質如前以種子為本質又如緣兔角以何為本質此皆尋名名本質故影生故唯識也此兔角等不生者由現在無生因若如過去既非兔角果故兔角不同過去神通三世者此則禪定宿住通等若凡夫及聖緣過未為境以智有功能似若干時現若智有強弱緣境有寬狹此與前別前或是執心非量境若不執心比度而知或以現過曾見比未來當此事生或以現在為比比曾有此事比量而知若神通及禪定此皆證解雖心上功能而生證定故與前別論文過去中應有果現在又准未來因有故此中但論因故其相已捨不論果故不言現有又顯過未無躰約現法去過去不言果有但言自性故言已無顯未來未生相亦無



躰未來說因現有於現在因上有當生果義顯於現在法亦有明知  
過去因相躰已滅於現在果有此因曾有非今正有則於現法而立  
過去故此顯文 論問若彼諸行至頃生起過 記曰下第三對難  
釋通如文可解 論復次此中至是名因緣 記曰自下第二決擇  
因緣則決擇意地第三卷去又有四緣等於中有二初正釋四緣後  
并緣無生心義前中有三初標次釋後對二因十因四緣相攝通塞  
釋因緣中二初依未立賴耶已前佛教以說因緣後明依從賴耶教  
已後立因緣相前中有三初正并因緣二明伏斷退不退義三明三  
受等位種子隨逐前中先正并因緣二返難外人前中初問次解後  
結言諸色根根依及識此二略說能持一切諸法種子等者景師云  
色根謂眼等五根根依者則扶根塵大與根合為一心為第二此中  
略不并心所但持自心所種言除大種色等者此據內塵大等為論



當知外山河等不別持種但由內識內根持外種生基師云三藏言  
根依者扶根塵若尔何故下攝一切種子中不言扶根塵及次下文  
云當知所餘色法唯自種子之所隨逐今此理文違故釋之根依者  
即造根之四大故第二復次釋所以中云若諸色根及自大種非心

倫五

三五

自字号

心法種子隨逐者等若尔何故論云隨逐色根有諸色根種子及餘  
色法種子等不言四大中有諸色法種子等解云此略不說又上摠  
文言根依及所以中云自四大種以明四大造根者有諸法種子此  
中解根已解造根四大訖當知所餘色法唯自種子之所隨逐者此  
謂根塵非外器色以此准則心所法中亦應有自種子此中但言識  
者略而不論又心所不同扶根塵所以者何扶根塵根無之時容可  
有心所即不然豈得王無之時心所有耶故不為例此中如若有色



別有心時種子在何處為一一色法心法皆有一切種子是为不然  
有心時在心無心時在色若一一中有即有無量種子又生無色界  
時色中種子並在何處若有心在心等者即如有色界有心時在何  
處若在心中者何故不在色中 論復次若諸至色法更生 記曰  
已下第二返難外人不立種子在於色心便有過失初明色不持種  
過二明心不持種過此等論文下去皆依未立阿賴耶聖教等者此  
隨順理門經部師義 論復次若諸至生欲界故 記曰次明伏斷  
退不退義初明世間道伏二明出世道斷前中有二初略後廣欲界  
諸染污法者煩惱種子及餘諸法種子者善無記種 論復次損伏  
至奢摩他損伏 記曰廣明損伏有三一遠離損伏謂出家受戒遠  
離欲塵捨伏煩惱此生得惠也二厭患損伏謂或由過患相觀五妙  
欲能為自害他害俱害等名過患損伏或脩不淨觀厭伏貪欲此通



三惠三奢摩他損伏謂伏欲色二界煩惱雖亦伏除無所有處已還  
煩惱以約盡界故不言離無色也 論若聖弟子至道理亦尔 記  
曰第二明聖道永斷中先明入有餘時斷除染種二明入無餘時損  
害善無記種言雖不生芽非不種子者喻有漏道伏而不斷若火所  
損喻無漏斷即金剛心時永害三界一切種子證有餘也 論若聖  
弟子至助伴損伏 記曰將入無餘界時所有一切善無記種皆被  
損伏者依毗婆沙欲界羅漢欲入無餘若五若六心外悉得非擇滅  
此文人種種解一解此據欲界八心次一方便善心二生得善心三  
不善心四隱沒心五報生心六威儀心七工巧心八變化心尔時作  
意欲入無餘或唯除第五報生心或唯除第六威儀心此一心是命  
終心除此二外悉得非擇滅或有解云此阿羅漢欲入無餘先在第



四邊際定力唯除四靜四念心除第五欲界善心第六不隱沒心是命終心除此六心外悉得非擇滅何意如此爾時行者從邊際定逆入四定欲善無記至第六心方命終故今此不尔下文中說要入滅定六識心住滅定內阿賴耶心而命終故言由染污法種子滅故乃至亦不復能生自類果者由金剛心時斷染種故令善種子不生異熟無記種子不生自類果是名第四損伏芽者染種未斷能助善無記種子得果由永害染種即是永害助伴故能損伏善無記種不能生果故名永害助伴損伏言第四者此有兩釋一云離三界染即開為三永害助伴名為第四二云前說遠離等三今說永害助伴即名第四准次下卷云問前已說損伏染法種子善法種子損伏云何答若常殷重習善相違諸染污法是初損伏若執取邪見多習邪見如諸外道是第二損伏若多脩習邪見誹謗如斷善根者是第三損伏



若能永害染法種子如前已說是第四損伏 論復次具至相續而  
生 記曰自下第三明於三受等位種子皆隨初隨三受心次隨三  
性心次隨學位心次隨無學位心學人無漏心起亦為煩惱種子之  
所隨逐 論復次此至定無有退 記曰自下第二依真實理門建  
立因緣分之為二初結前生後正立因緣後通經異說言當知尔時  
斷退故退者伏斷故退亦是住退者由退起下惑有漏禪定不現前  
住名為住退即習行退泰玄無學者不退滅定不順此文也  
論本卷第五十二 論復次玄何至亦名意界 記曰次釋等無間  
緣玄若此六識為彼六識等無間緣等者西國有師依如此文即立  
五識多念相續有次第緣然本地分中五識身地亦玄五識一念必  
起意識尋求意地又玄五識無二念相續亦無展轉生餘識等者當  
知此據率尔墮心故作此說若在等流未取餘境已來五識自類相



續不斷故得自類有無間緣第二師說五識必無二念相續順本地  
分但須通此決擇文若此六識為彼六識等無間緣者此言極也應  
言意識望六識六識望意識為等無間緣今勘唯識第四護法正義  
八識各唯自類為開導依通此論文言極意別 論云何所緣緣至  
增上緣 記曰所緣可知釋增上緣中略并六種問變非愛果與異  
熟果有何別異須重明耶解云則以善惡業別感六識中苦樂名愛

倫義十二

三七

直

非愛果復感賴耶捨受名異熟果 論復次是至等中已說 記曰  
上來正決擇四緣中標及釋訖自下第三對二因十因四緣相攝通  
塞言因緣一種望所生法能為生因等者此能生因如菩薩地第三  
十八云牽引生起是因緣第五卷復言生起是因緣能生因攝非牽  
引因十二緣生第十卷言此十二緣相望俱依增上所生引發生起



牽引說故無因緣又如菩薩地無記生起因是增上緣故知能生因  
緣是因緣生起牽引皆通增上因緣若准生起唯是因緣即違緣生  
及無記生起因此處文中且據同第五及菩薩地等攝六因故是因  
緣非餘若不此會即行支被潤已此是何因望生老死非生起因故  
是故乃至無有頓生起義者結答前問今重明了四緣立十因者如  
前三十八及第五說生起牽引一分是因緣攝受因一分是等無間  
所緣緣餘一分及牽引生起各一分餘因並是增上緣 論問如世  
尊言至意識得生 記曰上來三段決擇四緣說自下第二并緣無  
生心義一問二答三難四通問如世尊言乃至何故世尊宣說彼行  
為緣生意者問意如我宗說過未五蘊行緣是有為緣生意今時論  
主大乘宗中過未是無云何佛說過未諸行為緣生意耶此違經過  
也若意亦緣非有事境而得生者等此第二違經過答由能執持諸



五識身所不行義故佛世尊假說名法等者答意若有辦法唯在現在  
在解是有故名真實法若過去未來解非實有然能持自無解令五  
識不行今意識轉假說名法此豈是法故今法處攝前引經中但有  
法量而無處字假說無為法非謂法故便法處攝而言遂有解應立  
量云如我所言過未無法亦應名法有所持故如現在法應成意緣  
過未等無解之法意識應緣以是法故如有解法梵語陀羅唐名持  
義梵語達磨亦是持義能持故名法 論問何因緣故至有是密意  
記曰此第三難也難意佛說緣法處生意法處定有云何知佛說於  
過未能持自無解令意識轉假說名法有是密意 論答由彼意識  
至非有為境 記曰下第四通中初以理正通第二復引廣大言論  
證緣無識前中先舉例答由彼意識乃至非彼境識法處所攝者汝  
前引經緣意及法意識得生即執定有法處之法現見意緣過未心



識豈可得言所緣識是法處攝耶過未識雖為意所緣不可依經執

倫疏上

三八

直

字号

為法處亦過未法雖為意所緣不可依經執法為有應立量去去來  
二世意所緣境諸色等法非法處收緣去來世識故以意識之所行  
故如去來世所緣六識問曰此是所緣緣不答曰影像當心唯識三  
世攝故是所緣緣此本質無法非是因果影像可成因果今就外執  
破非大乘中影像不有諸識可行又有性者安立有義能持有義等  
者示其正理若於二種已下重難若於有無二種但了有法不了無  
者不應說意緣一切義以俱緣故此違道理設作是說便應違害自  
悉彈多者若汝說意但緣有法不緣無者便違自宗意緣一切此違  
宗失悉彈多此云宗一釋此云教又不應下違教失也是故已下結  
緣非有新羅證法師云法有三義一持差別如此上文持識不行差



別義故二持自性如次文說又有性者安立有義能持有義若無性者安立無義能持無義故皆名法三軌生解次文中云由彼意識於有性義若由此義而得安立即以此義起識了別於無性義若由此義而得安立即以此義起識了別論復有廣大至第一言論道理記曰自下第二引廣言論證有緣無文中有二初舉五種言論道理證緣無識後通經異說前中第一言論者景云此我無性非為無為所攝故菩薩地云有為無為名為有非我我所名無有言共相觀識非不緣彼境界而轉者明此無我義通名共觀心緣故故知意識緣無得生此無我觀若聞思作即是比量脩惠心中有其二說一解欲入觀前方便聞思心中作無我是其共相正是比量正入脩惠觀無我時是其現量現量一一別證諸法無我而言共者從方便為名二解脩惠正證無我實是別證自相境界但以諸法無我相似所以名



共基云此無我本質無如正智即緣彼無顯得真如如加行智即亦有影像當心據本質名無影像言有今以本質破外人若影像是依他性是何法攝答不相應中法同分攝此乃與心同種心之相分義名法同分非謂乃言緣無攝境惠照本質更不變生即是無法攝應同前解言共相觀者此就加行道語或真如諸法共故名共非能緣之心依共又後得智上作此觀故名共相 論又於色香至第二言論道理 記曰景云緣施設飲食軍林無性為境一一別知自相境也基云言自相觀者非自相共相中自相此是捨言共中說自自者

論疏上

辛九 五字

自幹相即飲食自相非如五識一一境知名自相若言無我緣苦諦苦諦即無我者此苦是有何名我無獨緣一切法無我此何處攝故知緣無一二中皆應立量云緣無色境意識應轉意所取故如無我



等論又撥一切至第三言論道理 記曰謂邪見撥無施等實無此無今緣無起豈非緣無生也言無施無愛等者泰云父母與子孫等名愛也三藏述三釋如前第七卷記 論又諸行中至如應當知記曰第四可知第五言論中云於未來行非不隨觀生滅者泰云此亦隨觀心相分有生死相顯無有所似之生滅故亦是緣無生心也若緣當有生滅者即是緣有生心也基云本質亦無故今時破非大乘人心影像中自不變為生滅等相應立量云過去未來應無有生現在不收故如兔角等去來二世必不有滅以無生故如龜毛等指例如文 論問如世尊言至淨不淨轉 記曰下通經異說有其三經通初經中答意佛說過去已起之業熏種在識生彼能熏言有過去業大自在是第四定大自在也自性是數論自性也丈夫是勝論等神我也 論問如世尊言至都無所有 記曰通第二經中云不



應由彼去來之性說言是有者其過未法躰小乘今現有今應說言  
去來之性當曾有故不應以去來之性說今現有也 論問如世尊  
言至諸界善巧 記曰通第三經中景云已與果竟種子相續與報  
功能雖盡生自類功能仍相續有取已與報果功能已盡名過去界  
當生果種子現在續流名未來界與現果未竟名未與果名現在界  
泰云若已與果種子相續名過去界若未與果當來種子相續名未  
來界若未與果現在相續世以與果自類種子盡必滅果生故因滅  
過去果生現在則非現在種也又釋據隨轉理門從與他類六七果  
義因滅果生故種若現在亦非與果也 論復次云何至所餘諸行  
記曰大門第五明不相應行義本地分意地中第二卷末云略說法  
界若假若實有八十七法心所有五十三色有二種律儀不律儀色  
三摩地生色不相應有二十四謂得無想定等無為有八謂虛空等



廣八略六平等平等今此決擇不相應行但有二十二除不和合及  
方下待有具足後卷明二定并報決擇何故不言方不和合耶謂方  
多約色并之不和合約衆緣離散以論非色心相不顯故略不說又今

倫疏上

四十直字号

略以五門分別初并躰並是假法無躰不具種子不相應行蘊法界  
法處攝此是分位假二釋名具足應言非色不相應行言非色者即  
簡於色不相應者復簡於心心是相應以非心故名不相應行簡無  
為無為之法亦非相應乃是有為故名為行則從數簡別為名別名  
如文可知第三明心色分位建立三唯心分上建立謂二無心定無  
想異熟心無之處種子上而施設故若其二定入定前心熏成種子  
於種子上有違心不起義邊而假建立無想異熟亦就彼天異熟種  
而建立故對法云於心心法分位差別建立三種三藏云無想報於



阿賴耶上立此當按報第五十三云生得心心法滅即報心心所滅  
四唯就色建立謂名句文身及方故對法云於言說分位建立名句  
文身於十方因果遍滿假說方當知此中唯說色法所攝因果無色  
之法遍布處所無功能故餘十七種通就色心因果分位而假建立  
於中命根若依第八識上亦是心依顯揚云於六處決定建立即通  
色心間如長短就色立躰還是色名句文就聲假立何故非聲解云  
長短唯就色立又是色相躰還是色名等旦依此方就聲立通就十  
方非唯就色問若尔方唯就色施設何非色耶解云通取方中衆生  
四蘊等法建立方故不是色第四明三性漏無漏無想異熟躰唯無  
記二無心定躰唯是善異生性躰通於不善及以隱沒以見斷種子  
通有不善及隱沒無記故命根名句等通善無記方亦可然依色立  
故此據本質餘通三性泰云依對法命根同分名句文是自性無記



無想異熟是生得無記命根通有是脩果故名為自性不云生得復  
次無想定及報異生性唯有漏滅定唯無漏餘通漏無漏第五明三  
界繫無想定無想異熟唯色界繫名句文三有漏者欲色界繫無漏  
者是不繫異生性通三界繫滅盡定唯不繫命根同分通三界繫及  
不繫餘有十五有漏即三界繫無漏是不繫若依基解方唯有色界  
弁五門訖此卷中略解十九法分為十四段初解四相文分為三初  
即行弁相二對難釋通三明四相名義差別前中先問後答前中明  
老後名住者即生時即異時故非由有住故方異又令生獸故先說  
異住濫常法故答中有五一無未來生二無現在生三明有因無別  
生四進退徵責第五結歸正義前中總立量云未來世法定無所有

倫疏土四十一直字号

現在無為所不攝故如兎角等汝言未來世生者定無所有未來攝



五十二  
故如未來色又未來生不能生法幹無有故如兔角等 論亦非現

在至能成現在 記曰次明無現在外人云經中說有未來色生等

故知別有生諸法若尔論云所謂若生若起若現在乃至成現在  
性此答外難云經言有生即別有幹經言有現在應別有現在現在  
今法現在應立量云無別能生生諸色等生起現在三法經中說故  
如起及現在又現在應別有能現在現在諸法經說生起現在三中  
攝故如汝之生 論又一切法至異生能生 記曰次明有因無別  
生如文 論又此生相至如應當知 記曰次進退徵責即法是生  
量云生離色中外無別有幹色有有故猶如色等不然俱違宗過破  
生因中泰云於一行便有二生者既有二生因必應有二生果也  
既一行無二法生故汝謂生相為生因能生行不應理也基云且  
先破小生云小生應無有幹於大能生及所生法無為等中不可得



故或不說故等二因如兔角等小生既破即破大生汝言大生非法  
之生因說是能生法故如小生等故致二生是為大過一生尚不許  
有何須二生謂生者是小生自從緣起故能生者是大生能生他故  
例結可知 論故知生等至亦名無常 記曰下結正義如文 論  
問若有為法至為一有為相 記曰第二對難釋通文分有二初通  
四相合為三相言由未來生者此是將生現在正生滅中現在將滅  
過去正滅故論生約將生論滅約正滅論亦亦相顯經中唯有生滅  
中上座部以此證心唯有二相色等亦有三相 論問佛聖弟子至  
是名為滅 記曰次釋通於三有為相中觀生滅言住異俱生所顯  
者以於生相義說住異但觀生時即觀住異又觀生滅能起狀離等  
此文分明但說生滅二相是無常相加於住異名有為相 論復次  
生至名無上生 記曰第三明四相名義差別生差別有其十一寂



初入胎名下為生者三時俱倒中二入胎名處中生者謂輪王入時不倒獨覺入住不倒最後入胎名勝妙生者三時不倒所謂如來此等生老死相如緣起經廣說 論復次老至乃至解脫 記曰老住可知無常中有生起無常生起時是何故生中無滅壞生謂成相時是此有二種一相無常二躰無常生是躰無常生法本據有法所以

論疏上

四十二直字

滅法非生應解有難思之可知又准同生無妨變易無常謂可愛自境散壞無常被侵奪等外道但於諸行一分厭離不能究竟者以於資緣雖生少欲於有有具不能知足 論復次云何得至得是假有 記曰次明得獲成就謂若略說生緣攝受增盛之因說名為得等者景云得獲成就者依小乘說得據新得成通新舊今大乘中義則是通基云此約種子未伏未斷有生果功能名增盛之因立得非



已伏斷種子名得故下文云若未為定伏及聖道斷如善根種非邪  
見所伏名成就名得故即被伏斷已去但名種子不名為得如對法  
三種成就云若在欲界得色無色定欲界種子亦名成就亦名不成  
就未永害隨眠對治所損故然成就有二義一躰成就若雖已離欲  
以有躰故亦名成就二功能成就如已離欲無生果功能名不成就  
此中偏約生果功能故不成就據其躰有亦名成就此據種子增勝  
語如現行亦名成就下文種子中有自在此文據勝論若言得是  
至餘緣離散記曰若從先來未得此法此既無有生因之得應常  
不生等者景云且如凡夫既未得彼無漏聖道即無聖道生因之得  
如此聖道應常不生以無因故應立量云自身聖道應常不生以無  
因故如芽無種不生基云此難無漏種本無復就外宗非大乘中本  
無種子勝軍論師義以此文則本無無漏種子若是諸法不離散因



者乃至應頓現行者景云以小乘宗六識不並一識心無三性並生  
故作此難應立量云善心起時餘二性心相應俱起以有因故猶如  
善心乃至無記心起餘二性心定應同起以有因故如無記心此上  
二句即當種子成就 論若於引發至此名為得 記曰勢力自在  
等者景云加行善種及無記種一分善脩習者遇緣引發勢力自在  
假立為得即是自在得以此自在為依止已下明現行成就基云准  
此文云引發緣中勢力自在等即於外法之上亦假立成就 論當  
知此得至名現行成就 記曰景云若永害染種於善無記種子亦  
名害又云昔來小乘師多准義說身在下地得起上地生得善心如  
天眼耳通威儀無記從淨定心生後則不得却入淨定要入上地得  
善心方入淨定故又准超定順入至非想出在生得善中方更逆入  
等又准羅漢退起無色煩惱既無退分定從何等心而起煩惱以此



瑜伽師地論記卷第十一

等義准知身在下地得彼上地離欲生得善今大乘中亦無有文三  
藏云天眼耳通非是威儀無記乃是通果又超禪時從初靜慮順入  
至於非想多時停息或轉作餘觀直名順入從依本觀復通入下定  
名為逆入順逆順等句道理皆成未必要出在散心方成超定羅  
漢退起無色煩惱從住分定而入煩惱若依此釋身在下不起上地  
生得善心泰云得有三種一種子為能得應起三性法為所得二方  
便善變化種子為能得應起方便善變化無記心等為所得此皆是  
法前得也三即前諸法正現在前為所得即前種子與所得法俱名  
現行得此並是以得得諸法也若以現起種種為所得即以本識上  
攝種功用為能得此即得復有得也又種子現起故亦是現行得復  
若以前種從後種者亦是種子成就及現行成就說也基云未為定



伏等乃至名為成就等者此據功能不成就非躰故對法云若得無漏對治道方名種子成就得不成就若生色界等欲界亦名成就亦名不成就其不成就性是何法如何今有別非得非得攝一切非得盡然今不立有何意也一為遮繁論亦應立非同分及不流轉等故略不論又即得中攝如不成就起俱必有得得既此非得即所得所以不說不說小得者大乘無過重累假故四相亦尔然非得攝滅得大乘亦通漏無漏唯是無記及善善者佛身中得今大乘有種子不可約所依上立非得得以種子功能關緣不住後果即名非得何故此得於所依立若如來身無種子故屬所依故屬所依及種子種子無漏不能生有漏果故亦是無漏擇滅之得唯是無漏非得之得通漏無漏善及無記善者世間道亦是若名擇滅擇滅得即過漏無漏法前法後法俱分別唯法俱自在成就中一分無記者對法云工巧處變化心等



瑜伽師地論記卷第十一

等中得取威儀如佛威儀極善習者加行生故 論復次云何命至  
非自勢力轉 記曰解命根中先摠弁相後明差別五對三藏云唯  
於阿賴耶上立唯是摠報違顯揚文彼云六處住時決定故依決擇  
中說命根一向是異熟無記而對法云命報名自性無記者即此異  
熟無記據躰是無記復名自性無記然異熟無記狹唯在賴耶自性  
即寬故對法云自性無記者謂五根三塵命根衆同分名句文身又  
對法云生得無記者由不善善有漏法所生異熟名生得無記即說

論第十一

四

直三

無想生是生得無記基云何故不立小命根與大命根為根如四相  
等今大乘不立亦無妨對法約衆同分上故知通摠別報先業所引  
言唯是異熟不得不通長養等流上若於衆同分立言亦似通長養  
然亦言先業故唯報又不然唯是心上立即六識異熟生心能持六



處上亦無妨餘如對法又類生後報不言報非現如變易潤生及阿  
羅漢捨衣鉢延命皆滋宿業故非現報問曰此宿業為長為短若長  
應自生何須滋若短延長即現業招應是現報今解過去業之宿命  
今滋舊業故非現報有現報何事斯文中有先業言故非現報下明  
自勢力轉中既云阿羅漢等故知前三果並得延命三截云大乘道  
理邊際勝定通四靜慮故四果聖皆得延命 論復次云何眾至說  
名同分 記曰眾同分中景云界趣生三躰是異熟餘通三性漏及  
無漏唯就眾生同分立毗婆沙亦尔後至俱舍論師始立有法同分  
基云眾同分通長養等流及異熟又通三性 論復次云何異至之  
所隨逐 記曰異生性者景云具縛見斷煩惱種子假立異生性以  
障初入聖故道理見斷煩惱業及異熟並應建立異生性躰但以種  
子恒相續故偏就建立泰云異受趣生各取異境功能由見惑故於



見惑種子功能假立異生性聖人不受五趣異生及證真理不異故  
見道初心已去名捨異生性也 論復次云何和至亦不乖離 記  
曰和合者景云以同成一事故對法瑜伽皆不解不和合性三藏云  
但就因果離散法上假立不和合性薩婆多宗十四不相應外別立  
有一和合性謂僧和合不和合者即是不得不成就性此不得中普  
攝一切法不得性謂異生性退性障根無知不和合性等以觸能更  
和合三事偏明彼觸和合之緣下明差別或有領受和合謂六處緣  
觸者謂六處與觸為緣觸觸對前境亦名領受名領受和合或色等  
緣者或以色等六境與觸為緣或作意等緣者由作意等作緣生觸  
或觸緣受者次明彼觸緣受作緣生受摠名領受和合領受和合謂  
六處緣者觸是受緣亦名領受今明六處是觸緣故即就六處假立  
領受之和合義餘者例知或有清淨和合謂十二種無難集會者如



對法第十五引十二集經并引發相先立二句一自圓滿二他圓滿  
此二各有五句摠別合數名為十二三藏云出聲聞地劫 論復次

倫疏十一 四十五 直字号

云何名至事業明處 記曰名句文身中先并其相後顯差別自性  
施設自相施設等者景云非是自共門自相以諸法自相性離名言  
不可說故今言自相者但是諸法自性差別門自性即是摠說諸法  
自弊故名自相由起語心欲遍分別諸法弊相故起言說起言說時  
即就言說假建立名名由想生從因稱想基云即弊一物對而緣故  
有自性相二別自性者弊相者狀也即諸法弊狀義云何句身謂即  
依彼自相施設所有諸法差別等者句詮差別約法并者如摠說識  
心即說自相復說此心一切染淨所有得失皆由之生行者於心諸  
惡莫作諸善奉行顯此差別文身是二所依等者文者是字字是不



動指定之義若說為文是顯了義由依此字合彼名句詮法顯了故  
下弁差別有三初云於所詮義略中廣者文非正詮但助名句令成  
詮表遠有詮義漸少名略名但詮躰名中句詮躰義用盡名廣以句  
起時必帶名文故說句能詮表事廣第二緣之生解差別第三由依  
五明種種分別起名句等故說名等依彼五明 論復次云何流至  
謂逆緣起 記曰流轉中云或有自在勢力流轉謂被損種子現行  
諸法者種雖被損自在餘勢力猶起現行 論復次云何定至已廣  
分別 記曰定異可知相應中云彼彼諸法為等言說等者泰云彼  
彼諸法相似名等也相順相似故名相應又等義是相應義如善  
因與樂果平等相稱而起言說又建立為平等因果令衆生開解名  
為平等開解也基云等言說謂能詮言說與所詮彼法相似名等此  
通在一切言說等建立謂不待言諸因緣建立果法等開謂顯示深



密法要能詮稱所詮等從言說乃至開解以能詮稱所目故曰相應  
又解同泰又為等言說者能詮稱所目相應等建立者所詮自相順  
相應前二並世間為等開解者即出世法相順故言諸勝方便 論  
復次云何勢至增上惠學 記曰勢速可知次第中云嬰孩童子等  
八位者景云不同十時次第別有八時初十歲時是第一病位十歲  
已下多病故等第二十歲是其色位男女顏色正在此時過此即七  
第三十歲名力全位身力全故第四十中名有智位凡所為作必多  
思量第五十中名為念位憶念自身得失事故第六十中色力損減  
位第七十中智念損減位第八十中名昏亂位基云如初帙第二卷  
此以第三為首彼上要有屢胎業位故 論復次云何時至名不可  
數 記曰時中可知數中六數邊際名阿僧企耶者按華嚴經百二



十四數中第一百二名阿僧祇耶然此去邊際者自此已去等數所不及轉故 論復次種子至道理亦尔 記曰大門第六明其種子文分為四初弁種子相二明損伏種子三明種子頭數四明安立種子於賴耶中前中法喻景云初明能熏望種不即不離謂非析諸行別有實物名為種子者雖由能熏成於種子若分析能熏諸行一之分中無實種子此明不即亦非餘處者非離能熏成於種子此則不離然即諸行如是種性如是等生者此明種子望所生果不即不離然即諸行者牒所生行如是種性者牒能生種隨三性種子生三性現行故言如是等生如是安布名為種子亦名為果者此明安布種子在賴耶中如此種子能生是種又是能熏家果不相雜乱何以故下釋不雜乱秦云如薩婆多苦集是一物因果故說二亦不同此同經部師立附依止亦熏習說名種子然此種子與果報身不定一異



不相雜亂如穀麥有生芽功能然此功能與麥等不相雜亂若依大  
乘真實理門種子在賴耶識與識不定一異若據隨轉理門種子附  
身相續中報身不定一異攝論亦云種子在依止處中及六識中二  
文據隨轉理門故約諸行說也偈云然即諸行如是種性如是等生  
等者此明六七識與種子不一異如是安布名為種子亦名為果者  
此明本識與種子不一異基述上三師釋已云今解稍別此並望現  
行種為論亦非餘處以上釋種子與行不異然即諸行以下明種子  
與行不一何以故下釋成上義辟如穀麥等物下三截云此中意者  
謂如一麥芽望後莖名種從前種生名果即以莖為莖種子亦為前  
種果今解從辟如已下至亦非餘處明穀麥等從芽莖以為種子生  
與莖等為果不一異然諸大種如是種性如是等生下明此穀麥從  
水土緣力復生莖果時不一異此辟喻多前法同即前莖等果種子



麥為緣生後芽等說名種子當知法相亦復如是此因前不相應假  
法不須種生外難發起去前因緣中去以第八為因緣此種如何故  
有此文若不尔即此合別義段答如何去如是不相應解滅定等後  
方結此前文 論問前已說至第四損伏 記曰第二明損伏種子

倫疏上

四七

直

中四句損伏景去一常習染污二通取諸見皆名邪見如諸外道三  
習邪見能斷善根此文不言謗苦集邪見似通四諦下邪見皆斷善  
根四由金剛定時永害染種今福分善不能牽報名為損伏基去第  
一句勤而不利煩惱第二句利而不勤第三句斷善者第四句前卷  
未云非助伴損伏即無學入無餘時善種此第四種解無名損善種  
前二令善種無勢力名損非全不生第三句現行全不生種無功力  
名損得不成就非一切解得亦無如前得中并第二句中若執取邪



見者此是見取多習邪見此是邪見 論復次若略說至如前應知  
記曰第三明種子頭數中基云若新熏如何言若住本性名下品者  
解云此亦無始曾熏然更近不起現行此舊種名下品復熏已後從  
下轉名中上等本有種子一切三品皆舊何故言脩練等已名中品  
者此三品種子本皆自有然此中約一品種子上義說熏不熏等有  
三品其躰是一等非三品種子轉下成中此名轉滅一種子故又轉  
齊無妨此本有三品舊先有後熏練已轉下品齊中品故佛身中一  
切皆等無上中下三品種子此中據轉齊三品名別非一品轉成三  
位新舊二師義 論復次我至遍行應重 記曰第四明安立種子  
於本識中初解有漏種子後解出世無漏種子三藏六五事中分別  
是三界心法不能證二空理故皆是遍計自性妄執分別所成種子  
名為習氣揔攝一切有漏種盡此種子有實躰實躰上有多功能差



別於勝諦無故名世俗有世俗有種一望賴耶二望所生三望能熏  
不可定說異不異相猶如真如是實物有然與諸法非定一異其如  
勝義實有種子世俗實有二諦雖別實有則同望於諸法不一異義  
等故引況之景云或有論一切種子並是戲論分別熏習正同此文  
將證三性心並是法執以名遍計妄執種故泰云言我當略說安立  
種子者前約隨轉理門種子前云非析諸行別有實物名為種子也  
今據真實理門故云於阿賴耶識中也基云望遍計所執無躰此是  
依他性有躰故言實不如圓成實性名世俗有以遍計種故名為遍  
行種子漏所隨縛剛礦故名應重又應重種子遍與諸法為因名曰  
遍行顯揚十五此應重是行苦故名遍行 論問若此至種子所生  
記曰問答難通以明出世種子諸出世間法從真如所緣緣種子生



等者俗景法師云若依勝軍不立本有無漏種子家消釋此文有二  
一解諸佛菩薩由證真如展轉流出十二部經流行在世見道已前  
順解脫分順決擇分緣彼經教作所緣緣生從本為名名從真如所  
緣緣生二解初地出世聖道一從世第一法順決擇善為增上緣等  
無間緣生二從真如所緣緣生若依護月護法消文有二釋一云本  
有無漏種子為增上緣真如為所緣緣故順解脫分等善根得生二  
云以本有無漏種子為因緣解脫分等為增上緣世第一法為等無  
間緣真如為所緣緣故初地出世間法得生從後緣說故云諸出世  
間法從真如所緣緣生景師更為護法等釋此文正答因緣當所問  
答從本有種子生若此習氣攝一切種子復名遍行處重者謂彼三  
乘見道出世間法從何種子生若言應重自性種子為種子生不應  
道理下答諸出世間法從真如所緣緣種子生非彼習氣積集種子



所生者答意明三乘見道從本有種子。是緣真如無分別智正。因今從彼生。故言從真如所緣緣種子生。非彼有漏積集種子生。泰太勝軍師唯立新熏習。故是所緣緣無漏初起。准從正智所作種子生。初無漏不從因緣生也。護月等唯立本有熏習性證真如是本有熏習所緣緣。此熏習名真如所緣緣種子。聖道初起從此生也。戒賢師立新舊二熏習。舊熏習如護月等釋。雖本有舊熏習。若無新熏習。舊熏習不能生聖道。故新舊和合方能生聖道。新舊熏習智性緣真如。故言出世間法從真如所緣緣種子生也。攝大乘論聞熏習與解性和合一切聖道皆從生。論問若非習氣至真如所緣緣故。記曰此外難也。難意若出世法別有真如所緣緣種子生者。一切有情皆是真如為所緣緣。則應皆有緣如種子。云何建立有般涅槃等。論答由有障至離諸戲論。記曰下約有障無障顯彼身中出世種子有成。



不成故立五姓別言當知由轉依力所任持故者三乘見道轉凡成聖名為轉依轉依即是真如真如為緣任持出世諸無漏行相續隨轉三截六十卷楞伽第二卷并五種姓三乘定姓為前三人四不定姓五闡提闡提有二一菩薩闡提畢竟無成佛義二斷善闡提若遇勝緣必得成佛余在西方時已有楞伽梵本本文亦同西方大德評此義云楞伽不說第五無姓有情但說有佛種子二種闡提一是斷

倫亦上

甲九

直

善根遇緣還續究竟作佛二是菩薩大悲能為衆生故不取正覺願此希奇故偏別說即大集經云菩薩發心誓度衆生衆生未盡我不作佛衆生若盡我用方息湏入涅槃又智論云有諸菩薩因圓滿不取正覺如文殊等大莊嚴論第二卷云無佛姓人謂常無姓余欲來之時諸大德論無姓人文若至本國必不生信願於所將經論之內



瑜伽論記卷第十一

略去無佛姓之語戒賢乃云殊離車人解何物而輒為彼損基去勝  
軍既唯新種約障以弁三乘即以此文為正護法護月本種雖有今  
約障說非舊種無假設有種障不可斷名無種姓何況由法尔力故  
有種無種為緣而障可斷不可斷別今就障說義亦無過皆以果時  
所趣因中障不得者故約障說以無漏種隱以法尔故不說從障而論